



Հայաստանի մարզերում պարբերաբար կենդանիների դաբաղ եւ այլ հիվանդություններ են բռնկվում: Գյուղացիներն ամեն տարի չեն կարողանում բերքը ժամանակին իրացնել: Ստիպված են լինում էժան վաճառել, որպեսզի այն չփչանա: Այս հիմնահիմնարկներով պետք է զբաղվի նախարար Պապոյանը, ոչ թե 4 գառ ծնած «մայրիկ ոչխարի» զովագրով:

Կարդացե՛ք էջ 4



Ես պնդում եմ, որ մեր բաղաձայնական պատանդների վերադարձի ամենամեծ խոչընդոտը ՀՀ օրվա վարչակազմն է: Ինչո՞ւ: Որովհետեւ մենք լսել ենք վարչապետին ոչ հարիր հարցադրում, մասնավորապես՝ Ռուբեն Վարդանյանի մասին, թե մենք դեռ պետք է իմանանք՝ Ռուսաստանն ինչու է ուղարկել նրան: Կներե՞ք, դրանք «դատուցիկի» խոսքեր են:

Կարդացե՛ք էջ 6



Էկոնոմիկայի նախարար Գեորգ Պապոյանն անամոթաբար ստել է Ղազախստանից ցորենի նոր խմբաբանակներ ներմուծելու մասին: Նոր ներմուծումներ չեն եղել, 2025-ի նոյեմբերին ներմուծված IV կարգի եւ տոբակներով վարակված խմբաբանակի թեման հասել է ՀՀ դատախազություն եւ ՆԳՆ Քրեական ոստիկանություն:

Կարդացե՛ք վաղվա համարում



Hraparak daily newspaper  
4/41 Mashtoc St.  
0010 Yerevan, RA  
tel.52 66 70  
info@hraparak.am

ՕՐԱԹԵՐԹ, 200 դրամ

N 40 (4175), 17 մարտ, երեքշաբթի, 2026

# ՐԱՊԱՐԱՔ

www.hraparak.am

Հայոց ցեղասպանության թանգարան-ինստիտուտի տնօրենի ժամանակավոր պաշտոնակատար, նախկին դիվանագետ Հրաչյա Թաշյանը, որ պատրաստակամություն է հայտնել Նիկոլ Փաշինյանի «գիծն» առաջ տանել, պարզվում է՝ Փաշինյանի աշխատակազմում օգնական աշխատելու ընթացքում մասնակցել է ադրբեջանական կողմի հետ զաղտնի բանակցություններին՝ 2018-2019 թթ.: Հիշեցնենք, որ 2020 թվականի հուլիսի 9-ին էր, որ նա նշանակվեց վարչապետի աշխատակազմի արտաքին կապերի վարչության պետ՝ 3 տարի ժամկետով, իսկ 1.5 տարի անց՝ 2021 թ. դեկտեմբերին, Փաշինյանը նրան ազատեց, երբ արտահոսքեր կային այդ բանակցությունների մասին: Նա գրագրության մեջ է եղել մասնավորապես Ադրբեջանի նախագահի աշխատակազմի արտաքին բաղաձայնական հարցերով բաժնի ղեկավար Հիբեթ Հաջիեվի հետ: Ասում են՝ նույն պատրաստակամությամբ ծառայել է նաև նախկիններին. մինչ Փաշինյանի օգնական նշանակվելը, պաշտոններ է զբաղեցրել ՀՀ ԱԳՆ-ում՝ ՆԱՏՕ-ի բաժնի վարիչ, ԱՄՆ-ում ՀՀ դեսպանության դեսպանորդ, ՀՀ կառավարության աշխատակազմի արտաքին կապերի վարչության պետ: Թաշյանը ՀՀ արտակարգ դեսպանորդի եւ լիազոր նախարարի դիվանագիտական աստիճան ունի:



## Գրոյական կեցից

Նիկոլ Փաշինյանը որոշել է մեր պատմությունը գրոյից գրել, ինչպես ժամանակին արցախյան հարցի բանակցություններն էր գրոյական կեցից սկսում: Նա որոշել է նաև մեր ողջ անցյալը վերատեսության ենթարկել: Առաջ նա թերահավատություն էր հայտնում սովետական տարիներին ցեղասպանության թեմայի արծարծման առումով եւ ասում էր. «Պետք է դեռ հասկանալ»՝ ինչ է տեղի ունեցել Հայոց ցեղասպանության ժամանակ, ինչո՞ւ եւ ո՞ր միջոցով ենք ընկալել Հայոց ցեղասպանությունը: Ո՞նց է, որ 1939 թվին Հայոց ցեղասպանության օրակարգ չի եղել, եւ ո՞նց է, որ 1950-ին Հայոց ցեղասպանության օրակարգ է հայտնվել: Հիմա նմանատիպ հարցեր է բարձրացնում ղարաբաղյան շարժման կապակցությամբ. «Մենք պետք է հասկանանք՝ ղարաբաղյան շարժումն ինչ էր»: Անկախության հռչակագիրը Սահմանադրությունից հանելու հող է նախապատրաստում. «Դա Անկախության հռչակագիր չէ, կոնֆլիկտի հռչակագիր է»: Եվ մինչ նա վերանայում է մեր պատմության դրվագներն ու մեր պետության հիմքերն է խարխուլում, հարեան պետության ղեկավարը ճիշտ հակառակն է անում՝ հայտարարում է, որ մեր օդային տարածքն օգտագործելու համար մեր թույլտվությունը ստանալու կարիքը չունի՝ արդեն իսկ թռչում են: Ասում է, որ իր սիրտը փառավորվում է այն մտքից, որ միջազգային բառապաշարում ամրագրվել է «Չանգեզուրի միջանցք» տերմինը, հայտարարում է, որ ինքը «բազմաթիվ պատճառներ ունի Հայաստանի տարածքային ամբողջականությունը չճանաչելու», բայց այսօր ճանաչում է, «թեև չի կարող երաշխավորել, թե կես տարի անց ինչ կլինի»: Եվ, ահա, այս պայմաններում Նիկոլ Փաշինյանն ու իր թիմը խոսում են խաղաղությունից, հայտարարում են, որ այն այլևս անշրջելի է, եւ մարզերն ընկած՝ քվե են մուրում ՀՀ բաղաձայններից, չնայած մինչև ընտրությունները դեռ երկու ամսից ավելի ժամանակ կա:



Իշխանությունը, որոշ տեղեկություններով, մեծ ջանքեր է գործադրում, որ արեւմտամետներն ընտրություններին մասնակցեն մեկ միասնական բլոկով, հատկապես շահագրգիռ են Արամ Սարգսյանի եւ Գուրգեն Սիմոնյանի համագործակցությամբ, որոնց կարող են միանալ նաև մյուսները՝ Արման Բաբաջանյանի գլխավորությամբ: Այդ պարագայում, կարծում են, որ անցողիկ շենքը կհաղթահարեն, եւ ԶԴ-ն էլ ապահովագրված կլինի հետընտրական կուլիցիայի հարցում, սակայն մինչ այս պահը Արամ Չավենիչին համոզել չի հաջողվում: Նա վստահ է, որ միայնակ էլ կհաղթահարի անցողիկ 4 տոկոսը, եւ դեմ է միավորմանը: Դեր չեն խաղում նաև այն խոստումները, որ դաշինքով մասնակցության դեպքում Արեւմուտքը մեծ ֆինանսական աջակցություն կցուցաբերի: Մեր աղբյուրն ասում է, որ Չավենիչը չի ուզում դափնիները ոչ մեկի հետ կիսել: Ըստ ամենայնի, Արման Բաբաջանյանի շուրջը կհամախմբեն քաղիասարակության որոշ ներկայացուցիչների եւ կփորձեն լայն կոնսուլիդացիայի տպավորություն ստեղծել:

## ԱՌՈՒՅՐ ՈՐՈՇԵԼ Է ԵՐԿՈՒ ԼԱՐԻ ՎՐԱ ԽԱՂԱԼ

Գորիս համայնքի ղեկավարի տեղակալ Իրինա Յոյանի հրաժարականի դիմումը պայմանավորված է համայնքի ղեկավար Առուշ Առուշանյանի բաղաձայնական դիրքորոշմամբ, ավելի կոնկրետ ասած՝ ճամբարափոխությամբ: Ժամանակին ընդդիմադիր եւ Նիկոլ Փաշինյանին «այուլյաց ողջուններով» դիմավորելու ակցիան կազմակերպած Առուշանյանը, որը կալանք կրեց, 2021 թվականին էլ «Հայաստան» դաշինքի անդամ էր, սահուն անցում է կատարել դեպի իշխանական ճամբար եւ վերջերս անգամ Ալեն Սիմոնյանի ծննդյան ինչոթյակին է մասնակցել: Բայց նա փորձում է երկու լարի վրա խաղալ՝ համայնքապետարանում վստահեցրել է, որ ընտրություններին ԶԴ-ի օգտին չի աշխատե-

լու, ԶԴ-ին էլ վստահեցնում է, որ Գորիսն իրենցն է, եւ նախօրեին ինքնակամ միացել էր Փաշինյանի քարոզարշավին, երբ վերջինս Գորիսում էր: Հենց այս բայն է, ըստ լուրերի, Յոյանի համար որոշիչ: Նա, մեր տեղեկություններով, ընդդիմադիր մի քանի շրջանակներից առաջարկներ ունի, բայց որոշել է ընդունել Սամվել Կարապետյանի «Ուժեղ Հայաստանի» առաջարկը եւ առաջիկայում կհայտարարի այդ մասին: Համայնքապետարանի մեր աղբյուրը պատմեց, որ երեկ կոլեկտիվում սզի տրամադրություն է եղել, ոմանք ափսոսել են Յոյանի հեռանալու առիթով, մյուսներն էլ հասկացել են, որ կորցրել են եւ երբեմնի ընդդիմադիր համայնքապետին, եւ նրա տեղակալին:





Եթե ցանկանում եք կտրվել երեանյան տխուր իրակա- նությունից, իրանական պա- տերազմի սարսափներից, ծառերի սպանդից, որը ծավալվում է պա- տուհանից այն կողմ, մեր առօրյայի մաս կազմող սպանություններից, աղբատությունից, Ալիեի ռազմա- տենչ հայտարարություններից, հետեւեք վարչապետ Փաշինյանի մարզային այցելություններին, ֆեյ- սբուքյան «լայվերին», թոշակա- ռուների հետ գրույցներին, դիտեք «Ուրախ ավտոբուսի արկածնե- րը» նախընտրական սերիալը, որը ցուցադրվում է ամեն շաբաթ-կի- րակի: Մի օգտատեր վարչապետի մարզային «սերիալի» տակ գրել էր՝ «Ֆրեդի Կրյուգերի արկածները», բայց դե, նա երեւի չար ու նախանձ, ԶՊ-ի լավը չուզող ընդդիմադիրնե- րից է: Իսկ վարչապետի բեմադրած սերիալում դուք կտեսնեք մի ուրիշ՝ իրական Յայաստան:

**ՈՒ ԶԵՂԱԿ ՄԵԿԸ, ՈՐ ՎԱՐՉԱՊԵՏԻՆ ԱՍԵՐ՝ ԻՍԿ ԴՈՒ ՄԵՐ ԺՈՂՈՎՐԴԻ ՏՎԱԾ 7 ՄԼՆ ՊԱՐԳԵՎԱԿԱԿԱՐԸ ՍՏԱՅԱՐ, ԼԱԿ ԵՐ, ԶԷ**

Այս հանգստյան օրերին նա թիմով քշել-հասել էր Սյունիք, կանգառներ արել Արեւիկում, Վայքում, Աղավնաձորում: Գոհ ու երջանիկ քաղաքացիները «սելֆի»

լուկի նման արտաբերեց, թե քաղա- քացին կարող է կանչ գրանցել, եւ ընտանեկան բժիշկը կգա: Ծեր թոշա- կառու երբեք ոչ տեսել, ոչ էլ լսել էր ընտանեկան բժշկի մասին, չգիտեր, որ Սիսիանում հիմա նման ծառա- յություն կա, ու ապշահար նայում էր հեքիաթի կախարհ Անահիտին: Իսկ Սյունիք այցելած վարչապետը թոշակի 10 հազար դրամը տոժով էր դարձրել: Իրեն հանդիպած բոլոր թոշակառուներին հիշեցնում էր, որ ապրիլից 10 հազարով շատ է տալու նրանց, ու չեղավ մեկը, որ վարչապե- տին ասեր՝ իսկ դու մեր ժողովրդի տված 7 մլն պարգեւաձեւարը ստա- ցամ, լավ էր, չէ:

**ՄԵԿԸ ԳՐԵԼ ԵՐ՝ ՇԱՏ ԵՆՔ ՍԻՐՈՒՄ ԵՎ, ՎԱՐՉԱՊԵՏ ԶԱՆ, ՄՅՈՒՄԱԸ ԳՐԵԼ ԵՐ՝ «ԱՍՅՈՒ»**

Սիսիանում մի «պուզատի» տատիկ՝ Սեդա Ղազարյանը, փոքր խանութի տեր, որի թոշակը 80 հա- զար դրամ է, Իլոն Մասկի գիրքն էր կարդում: Վարչապետը շատ էր զվարճել այն փաստից, որ իր երկրում կան նման բիզնեսմեն տատիկներ: «Յլը եկեք, տեսեք՝ տատին ինչ ա կարդում», - մի քանի անգամ բղավեց նա՝ իր խմբին ներս կանչելով, ապա նորից թոշակի, հետվճարի ու ապա- հովազրության երգը երգեց:

Արմինե Խաչատրյանը՝ Աղիտու գյուղում տուրիզմ զարգացնող մի

Սիսիան ժողովուրդ: Չի հասկա- նում, որ վարչապետն եղբան հարց չի կարող հիշել, որ նա չի եկել իրենց պորբլեմները լուծելու, այլ եկել է կառավարության արած աշխա- տանքը ցուցադրելու, կոպիտ ասած՝ նախընտրական քարոզի: «Գրեք իմ մեյլին», «հերթով բոլորը կանենք», «հիմա չենք արել, հետո կանենք», «կարթենք, կլուծենք, սաղ կանենք», «հիմա խաղաղությունն է ամենա- կարեւոր հարցը, երկրորդը ջուրն է լինելու»՝ աջ ու ձախ խոստումներ էր շտալում Նիկոլը, ինչը մեր օրենս- գրքով նույնպես ընտրակաշառք է: Սիսիանցիները նրա համար դի- դակտիկ նյութ էին՝ ԶՊ-ականնե- րի «նվաճումները», աջակցության ծրագրերը ցույց տալու, խոստումներ շտալելու: Ասենք, թե մարդն ասում էր՝ հիվանդ եմ, նրան ուղարկում էր Սիսիանի նոր բժշկական կենտրոն, որը դեռ չկա, բայց կբացվի մինչեւ մայիս: Եթե մարդն ասում էր, որ շուտով երեխա ունենալու, կանչում էր Արսեն Թորոյանին ու ներկա- յացնում հիպոթեթի գծով աջակ- ցության ծրագիրը, որ եթե մինչեւ 35 մլն դրամանոց տուն վերցնի, մոտ 500 հազարը կառավարությունը կտա: Մի տղամարդու նա խոստա- ցավ այդ աջակցությունը, բայց սա, իհարկե, ընտրակաշառք չէր, այլ՝ «աջակցության ծրագիր»: «Երե- խան՝ ձեզանից, աջակցությունը՝ մե-

ու էլֆորիայի մեջ ընկավ. «Ոչ մի բան չվճարեցիք: Յա-հա-հա: Վիրա- հատվեցիք ու ոչ մի բան չվճարե- ցիք: Վիրահատությունն անվճար չի, պարզապես ձեր փոխարեն վճարում է կառավարությունը»: Մեկ խոստա- նում էր, մեկ իրաժարվում ինչ-որ բան անել: Նույնիսկ «պրինցիպ ընկավ», երբ մի տղամարդ խնդրեց, որ իրենց գյուղի դպրոցը չքանդեն, սպասեն, երեխաները վերջին գանգն անեն, նոր քանդեն: Նիկոլի վերդիկտը դաժան էր՝ պետք չէ շինարարա- կան ծրագրերի ժամանակացույցը խոչընդոտել, երեխա են, էլի, թող խոտերի մեջ մի տեղ վերջին գանգ անեն: Խոզնավարում էլ փակվող դպրոցի, սահմանը դատարկվելու մասին հարցրին: Ասաց, որ ինքն իր երեխաներին օրական վեց կիլո- մետր հեռու դպրոց է տարել ու բե- րել՝ իր հաշվին, որ երեխան նորմալ կրթություն ստանա: Ոչինչ, որ գյուղի երեխաները գնան հեռավոր գյուղեր, դաս անեն, գան: «Գյուղ տանող ճա- նապարհը նորոգում ենք, ավտոմե- քենա ենք ձեռք բերում, որ մեքենան հավաքի երեխաներին, հետո տանի իրենց գյուղը», - ասաց Փաշինյանը: Իսկ մարդիկ ուրիշ բան են ուզում հասկացնել, որ գյուղերն առանց դպրոցի դատարկվելու են:

Գորիսում Փաշինյանը հար- մարվողականության մասին ճառ ասաց, այն մասին, որ, այ, հիմա,

ՄՅՈՒՄ



**ԲՊ-ԱՎԱՆՆԵՐՆ ՌԻՏՈՒՄ ԷԻՆ, ԻՍԿ ՄԱՐԴԻԿ «ԼԱՅՎԻ» ՏԱԿ ԳՐՈՒՄ ԷԻՆ. «ԱՐՑԱՆԸ ՆԱՄՈ՞Վ ԵՐ»**

Էին անում, ողջագուրվում վարչապե- տի հետ: Իսկ եթե փողոցում մարդիկ շատ չէին, Նիկոլն ինքն էր խցկվում նրանց տները, դռներում ընկած, արթնացնում՝ ասելով, որ վատ է, եթե մարդը 11-ին դեռ քնած է: Հիվանդնե- րին պատմում էր, թե ոնց առողջա- նան, թոշակառուներին՝ հավելյալ 10 հազարի մասին բարի լուր բերում: Սիսիանում մի ծեր մարդու դուռը երկար թակեց Նիկոլը: Տաքատը վերեւ քաշելով՝ տարեց տղամարդը վերջապես բացեց դուռը: Վարչապե- տը խոսում էր, իսկ նա, լարված, տա- բատն էր վեր քաշում, վերնաշապիկը ներս հրում: «Իմացար, չէ, որ թոշակդ ավելացել ա ամսի 1-ից, գիտես, չէ, որ անկանխիկ առեւտուր անես, ավելի շատ կստանաս, գիտես, չէ, որ առողջության ապահովագրություն էլ ունես», - քննում էր վարչապետը տա- րեցին: Վերջինս լռում էր ու մեկ էլ, թե՛ տնից դուրս չեմ գալիս, բժշկի չեմ կարող գնալ: «Ո՛ր է Անահիտ Ավա- նեսյանը», - կանչեց վարչապետն իր «վասալ» նախարարին: Նախարարը շնչակտուր ներս գցվեց ու շուտասե-

կին, մոտեցավ, թե բա՝ սուբվենցիոն ծրագրով ոռոգման ջուր են քաշել, բայց ամեն օր ջրի կռիվ է, ճանա- պարհները շատ վատն են, գյուղ հասնել չի լինում: Վարչապետը կարճ կապեց. «Բազմաթիվ ճանապարհներ վատթար վիճակում են, բազմաթիվ ճանապարհներ վերանորոգվել են, դիմում գրեք մեյլիս»: Սիսիան ժո- ղովուրդը մոտենում ու մոտենում էր վարչապետին, ու երբ նա հարցնում էր ինդիքներից, անկեղծանում էր. մեկին հող էր պետք, մյուսը ջուր չուներ, երրորդն ուզում էր, որ խա- դահրապարակը սարքեն-վերջացնեն, մեկն էլ ասֆալտ էր ուզում: Շաքի գյուղից մի կին տանիքի հարցով մո- տեցավ: Վարչապետը, թե. «Օրենքով արգելվում ա, ընտրական փուլ ա, նյութական խոստումներ չեմ կարող տալ»: «Բա Տեղ գյուղում ո՞նց են բոլոր տանիքները փոխում կառա- վարության կողմից», - «լայվի» տակ մատնել էր օգտատերերից մեկը: Մեկն էլ գրել էր՝ շատ ենք սիրում քեզ, վարչապետ ջան, մյուսը պա- տասխանել էր՝ «այոյլ»:

գանից», - գոհ-գոհ ասում էր Նիկոլը: Անահիտ Ավանեսյանն էլ հենց կա- մեխ էր տեսնում, սրտիկ էր անում ու կեղծ ժպիտով քարանում խցիկի առաջ: «Երկինք-գետին շնորհակալ եմ», - սուպերբձնանքով՝ Փաշինյա- նին մոտեցավ վարչական դեկավար մի կին ու բողբոջեց, թե Ույծ գյուղի եկեղեցին լավ չեն վերականգնում: Վարչապետը լարվեց, խոստացավ հետեւել:

**ՈՉԻՆՉ, ՈՐ ԳՅՈՒՐԻ ԵՐԵՆԱՆԵՐԸ ԳՆԱՆ ՀԵՌԱՎՈՐ ԳՅՈՒՐԵՐ, ԴԱՍ ԱՆԵՆ, ԳԱՆ**

Սիսիանում Նիկոլն անցնում էր կեղտոտ բակերով, մտնում էր ջոռա- ցող, խոնավությունից փլուզված առատաղնեղով մուտքեր, թակում պատուհաններն ու գովազդային գործակալի նման գոռում: «Իսկ դուք գիտե՞ք, որ առողջության ապա- հովազրությունն ունեք, իսկ դուք օգտվել եք հետվճարից, գրի եք, ի՞նչ եք զգում, հլը պատմեք»: Գտավ մի ծեր թոշակառու, որը սրտի անվճար վիրահատության էր ենթարկվել,

ես պահին լավ է: «Տեսեք, հիմա մեզ համար կանգնած, իրար հետ խոսում ենք: Այո, հարցեր կան: Աշխարհում որեւէ երկիր չկա, որ հարց չլինի, Յայաստանն ինչքան էլ հզոր լինի, հզորության լիմիտ ունի: Ես օր աշխարհում ուժի 90 տոկոսը կենտրոնացած է 20 տոկոս երկրներում: Պետք է հարմարվել իրողությանը, ոչ թե նկատի ունեն հանձնվել, այլ՝ հարմարվել: Նավը երբ ա հաջող. երբ որ հարմարվում ա քամուն», - ճառ էր ասում՝ ինքն իրեն շարունակ հակասելով ու նախ- կին ասածները հերքելով: Ու ոչ ոք չհարցրեց՝ հիմա մենք հարմարվում ենք Ալիեին: Մի գործիքի կին էլ մոտեցավ, թե. «Պարոն Փաշինյան, ուզում ենք՝ են անկապ լրագրողնե- րին վերջ տաք»: Վարչապետն ասաց՝ բա խոսքի ազատությունը, ժպտաց ու առաջ անցավ: Ինչպես միշտ, այս անգամ էլ Նիկոլն առատ առեւտուր էր անում՝ լավաշ, փշատ, ընկույզ: ԶՊ-ականներն ուտում էին, իսկ մարդիկ «լայվի» տակ գրում էին. «Արցախը համրվ էր»:



**Սյունյան ՍԻՄՈՆՅԱՆ**  
syuzan.simonyan  
@hraparak.am

2025 թվականի ապրիլին մե- ղադրանք էր առաջադրվել Ազգային արխիվի մի խումբ աշխատակիցների, այդ թվում՝ արխի- վի տնօրենի նախկին տեղակալ Սոնյա Միրզոյանին, որին ազատել էին աշխատանքից եւ տնային կա- լանք սահմանել: Քննչական կոմիտեից միայն հայտնել էին, որ վարույթը նա- խաձեռնվել է պետական դավաճա- նության, նաեւ «օտարերկրյա պե- տության ներկայացուցչի կողմից ՀՀ ինքնիշխանության, տարածքային անձեռնմխելիության եւ արտաքին անվտանգությանն ի վնաս օգտա- գործելու համար տեղեկություններ հավաքելու դեպքերի առթիվ»՝ ՀՀ քրոք. 418-րդ հոդվածի 1-ին մասով

**ՊԵՏԱԿԱՆ ԴԱՎԱՃԱՆՈՒԹՅԱՆ ՇՈՌԻՆ ԱՐԵՑԻՆ ՈՒ ՄԵՂԱԳՐՅԱԼԻՆ ԱԳԱՏԵՑԻՆ**

(դավաճանություն) եւ 424-րդ հոդվա- ծի 1-ին մասով (լրտեսություն): Այդ ժամանակ մենք եւ այլ լրատվամի- ջոցներ գրել էինք, որ մեր արխիվից աղբրեջանցիներին տեղեկություններ են փոխանցվել տարբեր տարիներին Յայաստանում բնակված աղբրե- ջանցիների քանակի, տեղաբաշխման մասին, որոնք ծառայեցվելու են իրենց շահերին:

Նախաքննությունը տեսել է մեկ տարի եւ արդեն ավարտվել, վա- րույթն ուղարկվել է դատախազին՝ հաստատման: Այս քրեական գործում, բացի Սոնյա Միրզոյանից, մեղադրյա- լի կարգավիճակ ունի նաեւ Անահիտ

Քոչարյանը, որին ԶԿ-ն մեղադրանք է առաջադրել այն բանի համար, որ նա, զբաղեցնելով Ազգային արխի- վի փաստաթղթերի թվայնացման եւ էլեկտրոնային շտեմարանի վարման բաժնի պետի պաշտոնը, իր ազդե- ցությունն օգտագործել է ի վնաս պետական եւ ծառայողական շահե- րին, իր ծառայողական պարտակա- նությունները պատշաճ չի կատարել, ինչն էլ վնաս է հասցրել կազմա- կերպության շահերին:

Նախաքննության ընթացքում, մեր տեղեկություններով, փոխվել է Սոնյա Միրզոյանի խափանման միջոցը. դա- տարանը նրա տնային կալանքը փո-

խել է վարչական հսկողությամբ, ինչն ավելի մեղմ խափանման միջոց է, իսկ Անահիտ Քոչարյանի նկատմամբ կիրառվել է «բացակայելու արգելք» խափանման միջոցը: Ստացվում է, որ «պետական դավաճանության» մեջ մեղադրվող տիկնոջ մեղադրանքն այնքան հիմնազուրկ է եղել, որ դա- տարանը բավականին մեղմացրել է խափանման միջոցը, հակառակ դեպքում՝ նա կլիներ բանտում, ինչպես մյուս նմանատիպ քրեական գործերի դեպքում է: Մենք փորձեցինք զրուցել Միրզոյանի պաշտպան Տիգրան Գրի- գորյանի հետ, սակայն նա մեր հեռա- խոսազանգերին չպատասխանեց:



**Աննա ԴԱՊԻԿՅԱՆ**

ՀԱՆՐԱՊԵՏ



Առաջիկայում եւս համայնքների խոշորացման գործընթաց է նախատեսված Հայաստանում: 9 համայնք՝ 80 բնակավայրով, կմիավորվեն եւ կդառնան 3 խոշորացված համայնք: «Վարչատարածքային բաժանման մասին» ՀՀ օրենքում փոփոխություններ կատարելու մասին նախագիծն ընդունվել է կառավարության նախորդ նիստի ժամանակ: ՀՀ տարածքային կառավարման եւ ենթակառուցվածքների նախարար Դավիթ Խուրդայանը, ներկայացնելով հարցը, նշել է, որ 3 խոշորացված համայնքները ձեւավորվելու են 3 մարզում. Ստեփանավան համայնքը՝ Լոռու մարզում, որը ներառելու է Ստեփանավան, Գյուլագարակ եւ Լոռի բերդ համայնքները, ընդհանուր թվով՝ 20 բնակավայր: Գորիս համայնքը՝ Սյունիքի մարզում, որը ներառելու է Գորիս, Տաթև, Տեղ համայնքները, ընդհանուր առմամբ՝ 28 բնակավայր, Եղեգնաձոր համայնքը՝ Վայոց Ձորի մարզում, ներառելու է Եղեգնաձոր, Արենի, Եղեգիս համայնքները, ընդհանուր առմամբ՝ 32 բնակավայր:

Հեռավոր գյուղերի համար խնդիր կլինի: Եթե հիմա մեզ տեղեկանք է պետք կամ ինչ-որ հարցով հասնում ենք Լոռի բերդի համայնքապետարան, արդեն ստիպված կլինենք հասնել Ստեփանավան: Ստեփանավան հասնելու համար, եթե անձնական մեքենա չունենա, մի ամբողջ օր է պետք՝ Ստեփանավան հասնելու եւ վերադառնալու համար»,- մեզ հետ զրույցում ասացին Լոռվա մարզի Լոռի բերդ համայնքների բնակիչները:

Լոռի բերդ համայնքի «Ապրելու երկիր» խմբակցության անդամ Աննա Գրիգորյանը մեզ հետ զրույցում նշեց, որ խոշորացումը կունենա եւ դրական, եւ բացասական կողմ. «Առաջին անգամ համայնքը խոշորացրին, կոնկրետ մեր համայնքում մի շարք խնդիրներ լուծվեցին՝ աղբամաններ են տեղադրվել, ճանապարհներ ասֆալտապատվել, գյուղն արդեն մակապարտեզ ունի, խոշորացումն իր դրական արդյունքը տվեց: Բացասական կողմն այն է, որ բազմաթիվ հարցեր լուծելու համար մարդիկ իրենց գյուղից պետք է հասնեն մարզկենտրոն, որը եւ

Լոռի բերդի ավագանու ԶՊ-ական խմբակցության անդամ Անահիտ Սիմոնյանը նույնպես համայնքների կրկնակի խոշորացումը դրական չի գնահատում. «Ինձ թվում է՝ երկրորդ խոշորացումն ավելի վիճակը կվատացնի, հիմա ես Ձեզ ասեմ, Լոռի բերդ համայնքը կարողանում է բյուջեի կատարողականը 150 տոկոսով կատարել: Բնակիչները տեսնում են, որ գյուղերում ինչ-որ բան փոխվել է, ու մենք չունենք խնդիր՝ հարկերի հավաքագրման հետ կապված: Որքան խոշորացվի, այնքան աշխատանքը կդժվարանա, ու հարկերի հավաքագրումը եւ այլ միջոցառումներ ավելի կվատանան, դրական արդյունք չի ունենա: Բացատրեմ, թե ինչու. ես ապրել եմ Յաղախում: Ամեն տարի 100 տոկոսով հարկերը վճարվել են, եւ բարեկեցիկ կյանքն էլ ապահովվել է: Երբ առաջին անգամ խոշորացվեց, շատ դժվարությամբ կարողացան հարկերը հավաքագրել: Մի քիչ էլ համայնքի ղեկավարից եւ իր թիմից եր կախված, բայց նաեւ մեծ նշանակություն ունեն խոշորացման հետ կապված բնակիչների պարտականությունները: Տարբեր կառույցներում երկար ժամանակ աշխատել եմ, տարբեր մարդկանց հետ եմ շփվել, կարծում եմ, որ այս խոշորացումը դրական արդյունք չի տա»:

համայնքի ղեկավարը խելքը գլխին եւ իսկապես համայնքի մասին մտածող մարդ լինի, այդ ռեսուրսները կբաշխվեն համամասնորեն, եւ ամեն բնակավայր այդ ռեսուրսներից կունենա մաս՝ մի տեղ ճանապարհ կկառուցեն, մի տեղ՝ կգազիֆիկացնեն, մշակույթի տուն կկառուցվի, իսկ անբարեխիղճ համայնքի ղեկավարի դեպքում փոքր գյուղերը, որ պետք օգտվելին, չեն օգտվի, կանտեսվեն: Այս պարագայում, եթե իրենք ունենին հնարավորություն՝ ինքնուրույն իրենց բյուջեն որոշելու, հիմա կվճարեն հարկեր, որն ընդհանրապես իրենց գյուղ չի վերադառնա»:

Ինչ կտա համայնքների կրկնակի խոշորացումը. հարցրինք նաեւ Կողես բնակավայրի վարչական ղեկավար Արսեն Մամաջանյանին: «Կանխատեսում անելը մի քիչ դժվար է, հեռավորության առումով Լոռի բերդի եւ Ստեփանավանի միջև այդքան էլ մեծ հեռավորություն չկա, բայց դե ... Լոռի բերդից Ստեփանավան 3 կմ տարբերություն է, ուղղակի խնդիրները մի քիչ այլ են: Այս փուլում խոշորացնելը չգիտեմ ինչ կտա, քանի որ խոշորացվել են համայնքները, արդեն կայուն զարգացում են ապրում, հաշորություններ են գրանցում: Կրկին խոշորացումը կնպաստի, թե խոչընդոտ կլինի՝ դժվարանում եմ ասել»:

### ԱՅՍ ԽՈՇՈՐԱԿՑՄԱՆԸ ՆՈՒՅՆԻՍԿ ԲՊ-ԱՎԱՆՆԵՐՆ ԵՆ ԴԵՄ

Մինչ իշխանությունը որոշում է խոշորացված համայնքների ճակատագիրը, գյուղական համայնքների բնակիչները, անգամ ԶՊ-ականներից ունաք, դեմ են այդ խոշորացմանը: Վայոց Ձորի մարզ այցելության ժամանակ քաղաքացիներից մեկը Նույնիսկ դիմեց Փաշինյանին, թե սխալ է «մեր համայնքի» խոշորացումը: Մարդիկ վստահ են, որ կրկնակի խոշորացումը դրական արդյունք չի ունենա: «Մի անգամ խոշորացրին՝ հասկացանք, այն էլ դա արեցին առանց մեզ հետ քննարկելու: Հիմա նույնն են անելու, թող հանրային լուրմեր անեն, մեր ձայնը լսեն, հասկանան՝ մենք կրկնվենք երկրորդ անգամ խոշորացմանը, թե՛ դեմ ենք:

ավելորդ ժամանակի, եւ գումարի վատնում է: Ավելի մեծ խոշորացման կարիք չկա, բնական է՝ ես դեմ եմ այդ խոշորացմանը»: «Դա նորմալ չէ, մեկ խոշորացրին, գյուղապետարանում նույն վարչական ղեկավարը կա, օպերատորը կա, հավաքարար ունի, իմաստը դրն է, որ նորից խոշորացնեն: Միայն գյուղացու համար են վատ բան անում: Մի տեղեկանքի համար հասնելու են չգիտես ուր: Ասենք, ես մեքենա ունեմ, իմ մեքենայով կգնամ, բայց մյուս գյուղացիներն ինչ անեն: Գյուղական համայնքներ կան, որ ավտոբուս չունեն, կամ որոշ ժամերի է ավտոբուսն աշխատում», - ասաց ավագանու անդամ Վանո Զատիկյանը:

Գյուլագարակ համայնքի ավագանու «Ապրելու երկիր» խմբակցության անդամ Կրույր Ավագյանը նշում է, որ կարելի է խոշորացումը չէ, այլ՝ այն, թե ով է լինելու դերակատարը. «Խոշորացումը կախված է դերակատարներից, հարցի որոշիչ կողմը լինելու է համայնքապետը, եւ թե ինչպես կբաշխվեն ռեսուրսները: Ի վերջո, համայնքների խոշորացման գաղափարախոսությունն այն է, որ փոքր ռեսուրսները գումարում են իրար, որ ծառայեն ավելի խոշոր նպատակի, որից պետք է համամասնորեն օգտվեն նույն բնակավայրում ընդգրկված մյուս համայնքները: Եթե

Հիշեցնենք, որ 2025 թ. հուլիսին, ՀՀ կառավարության որոշմամբ, որը հետագայում ընդունվեց նաեւ ԱԺ-ում, միավորվեցին նաեւ Խոյ եւ Վաղարշապատ համայնքները: Ընդ որում, դա տեղի ունեցավ դարձյալ ընտրություններից առաջ, որպեսզի Խոյի նախկին համայնքապետ Արգիշտի Մեխակյանը կարողանա մի կերպ ընտրվել խոշորացված համայնքում: Վաղարշապատում ՏԻՄ ընտրությունները տեղի ունեցան 2025-ի Նոյեմբերին, եւ ԶՊ-ն մեծ դժվարությամբ՝ ադմինիստրատիվ ռեսուրսի եւ տեղորոշմից կարողացավ իշխանություն վերցնել:

Նեկի ԿԱՐԱՊԵՏՅԱՆ

### ՊԱՊՈՅԱՆ, «ՄԱՅՐԻԿ ՈՂԽԱՐԸ» ՈՐՐՆ Ե, ԽՈՅՆ ԵՆ «ՎԱՅՐԻԿ ՈՂԽԱՐՆ Ե»



Էկոնոմիկայի նախարար Գեւորգ Պապոյանը Ֆեյսբուքում տեսանյութ է տեղադրել եւ գրել. «Սովորաբար, ոչխարը մեկ ծննդաբերության ժամանակ ունենում է 1 կամ 2 ձագ: Հազվադեպ կարող է ունենալ 3 ձագ, իսկ միանգամից 4 ձագ ունենալը շատ քիչ հանդիպող բան է: Մեր ֆերմերներից մեկի մայրիկ ոչխարը միանգամից 4 գառնուկ է ունեցել»: «Մայրիկ ոչխարը» դրն է, ոչխարն ինքնին եզ է, մայր, այդ դեպքում խոյին պետք է կոչեք «հայրիկ ոչխար»:

Միանգամից 4 գառ ծնելու մեջ դրն է ԶՊ-ական իշխանության եւ, մասնավորապես, գյուղատնտեսության ոլորտը կառավարող Էկոնոմիկայի նախարարության եւ անձամբ նախարար Պապոյանի ներդրումը: Նախարար Գեւորգ Պապոյանը փոխանակ հիմնավոր կերպով զբաղվի գյուղատնտեսության ոլորտում առկա, տարիներով չլուծվող հիմնախնդիրներով, կենսաբանական պատահականության արդյունքում 4 գառ ծնած ոչխարի մասին հրապարակում է արել: Իսկ գյուղատնտեսության հիմնախնդիրների լուծումը նախարար Պապոյանի անմիջական գործն ու պարտականությունն են:

ԶՊ-ական իշխանությունը 2018-ին վերացրեց գյուղատնտեսության

նախարարությունը: Դրա գործառույթները ներառվեցին Էկոնոմիկայի նախարարության մեջ, որի կազմում գործում են բուսաբուծության, անասնաբուծության, գյուղատնտեսական խորհրդատվության եւ նորարարությունների, ագրովերամշակման, գյուղատնտեսական ծրագրերի նախագծման, գյուղատնտեսական ծրագրերի իրականացման վարչություններ: Սակայն որքանով են այդ վարչությունները նպաստում գյուղողորտի խնդիրների լուծմանը: Նախարար Գ. Պապոյանին տեղեկատվական հարցում էի արել դեռ 2025 թ. հոկտեմբերի 10-ին եւ պատասխանից տեղեկացա, որ Հայաստանում գյուղատնտեսական նշանակության հողերը 2 միլիոն 40 հազար 816, 8 հեկտար են, որից ոռոգվում է ընդամենը 156 հազար 500 հեկտար: Իսկ 156 հազար հեկտարից ընդամենը 6 378 հեկտարն է կաթիլային եղանակով ոռոգվում: ՀՀ-ում 3 920 հեկտար ինտենսիվ այգի կա, 62 հատ «խելացի անասնաչենք» եւ 1 հատ խոշոր անասնաբուծական համալիր, որոնցում, ընդհանուր առմամբ, պահվում է 2 542 խոշոր եղջերավոր անասուն: Սա Հայաստանի գյուղատնտեսության տիտուր պատկերն է:

Գյուղացիների բերքը, ինչպես դարեր առաջ, կախված է «երկնքի ծերից» կարկտահարությունից, եղանակի տատանումներից: Իմ հայրենի Տավուշի մարզի 4 համայնքներից միայն Նոյեմբերյանում է հակակարկտային 14 կայան տեղադրված, մարզի Բերդ, Դիլիջան, Իջեան համայնքներում հակակարկտային կայաններ չկան: Նիկոլ Փաշինյանի իշխանության 8 տարում Տավուշի մարզում հակակարկտային ոչ մի կայան չի տեղադրվել:

Նախարար Պապոյանին հարցում եմ արել, թե որ թվականին է նախատեսված Հայաստանում ներդնել գյուղատնտեսության պարտադիր ապահովագրություն: Նախարարությունից հայտնել են. «Հայաստանի Հանրապետության գյուղատնտեսության ոլորտի տնտեսական զարգացումն ապահովող հիմնական ուղղությունների 2020-2030 թվականների ռազմավարության «Դիվերսիֆիկացում եւ ռիսկերի կառավարում» սկզբունքում եւ «Բարձրացնել գյուղատնտեսության ոլորտի մրցունակությունը եւ արդյունավետությունը» առաջնահերթությունում կարելի է աստիճանական ներդրում: 2019 թվականից մեկնարկել է գյուղատնտեսության ոլորտում ապահովագրա-

կան համակարգի ներդրման պետական աջակցության փորձնական ծրագիրը, որի հիմնական նպատակն է՝ գյուղատնտեսության ապահովագրության մեխանիզմների հստակեցումը եւ ամբողջական համակարգի ներդրումը: Փորձնական ծրագիրը դեռեւս իրականացվում է, հանրապետության ընդհանուր տարածքում գյուղատնտեսական պարտադիր ապահովագրության ներդրման ժամկետները դեռեւս հստակ չեն»:

7 տարի փորձնական ծրագիր են անում, սակայն պարտադիր ապահովագրության ներդրման ժամկետները դեռեւս հստակ չեն: Հայաստանի մարզերում պարբերաբար կենդանիների դաբաղ եւ այլ հիվանդությունների բռնկումներ են լինում, արտերկրից ներկրվող բույսերի բուժանյութերի զգալի մասն անորակ է, դրանք վաճառվում են ոչ մասնագետների կողմից, որոնք չեն կարող բուժանյութերի օգտագործման ձեւերի վերաբերյալ արդյունավետ խորհրդատվություն իրականացնել: Գյուղացիներն ամեն տարի խնդիրներ են ունենում անձեռքած բերքը ժամանակին իրացնելու գործում: Ստիպված են լինում քրտինքով անձեռքած բերքն էժան վաճառել, որպեսզի այն չփչանա: Մյս հիմնախնդիրներով պետք է զբաղվի նախարար Պապոյանը, ոչ թե 4 գառ ծնած «մայրիկ ոչխարի» գովազդով:

Ռսկան ՍԱՐԳՅԱՆ

Յայաստանի Հանրապետության պատմության ամբողջ ընթացքում չի եղել դեպք, երբ ընտրությունների նախաշեմին հիմնական ընդդիմադիր ուժի առաջնորդը զրկված լինի ազատությունից, գտնվի կալանքի տակ, թեկուզ՝ տնային: Անգամ իշխանության ներկայացուցիչների կողմից հրապարակայնացված եւ իշխանության կողմից քարոզվող սոցիոլոգիական հարցումներով Սամվել Կարապետյանի գլխավորած «Ուժեղ Հայաստան» կուսակցությունն ամենամեծ հանրային աջակցությունը վայելող ընդդիմադիր ուժն է, փաստացի ընդդիմության առաջնորդը: Մարտի 14-ին Հակա-կոռուպցիոն կոչվող դատարանը եւս մեկ ամսով երկարաձգեց «Ուժեղ Հայաստան» կուսակցության նախագահ Սամվել Կարապետյանի տնային կալանքը, որը նրան զրկում է ազատ քաղաքական գործունեություն իրականացնելու հնարավորությունից:

Ժողովրդավարությունը միայն ընտրության ամկայությունը չէ, անգամ ամենաբռնապետական երկրներում անցկացվում են ընտրություններ, սակայն երբ սահմանափակված է ընդդիմադիր ուժերի եւ առաջնորդների մասնակցությունն այդ ընտրություններին, դրանք ոչ թե ընտրություններ են, այլ՝ իշխանության կողմից սեփական վերանշանակումը լեգիտիմացնելու անհաջող փորձ: Ժողովրդավարությունը ենթադրում է ազատ եւ արդար ընտրությունների անցկացում, երբ երկրի բոլոր քաղաքացիները եւ քաղաքական ուժերը հնարավորություն ունեն ազատորեն մասնակցել ընտրական պրոցեսներին, չհետապնդել իրենք հայացքների եւ քաղաքական գործունեության համար:

Վարչապետի պաշտոնը զբաղեցնող Նիկոլ Փաշինյանն արդեն տեսական ժամանակ է, օգտագործելով պետական՝ հանրային միջոցները, քարոզարշավ է իրականացնում, գնում է մարզեր, հանդիպում ընտրողներին, հանրային միջոցներով կառուցված ճանապարհները, մանկապարտեզները, դպրոցները կամ թունելները ներկայացնում որպես իր կողմից իրականացված աշխատանք: Արդյո՞ք նույն հնարավորությունն ունի հիմնական ընդդիմադիր ուժի առաջնորդը՝ Սամվել Կարապետյանը. նա զրկված է ոչ միայն ազատ տեղաշարժի, այլև խոսքի ազատության իրավունքից, չի կարող իր տևից դուրս գալ, չփվել մարդկանց հետ, տեսակետ կամ կարծիք արտահայտել: Ավելին՝ Փաշինյանն ընդունել է այնպիսի օրենք, որով նրա հիմնադրած բարեգործական կազմակերպության կողմից իրականացվող գործունեությունն արգելված է, բանի որ ցանկացած պահի դա կարող են հռչակել որպես ընտրակաշառք եւ այդ հիմքով բրեւական գործ հարուցել, նոր մարդկանց կալանավորել եւ խոչընդոտել քաղաքական գործունեությունը: Այսպիսով Փաշինյանը հանրային միջոցներն

հայացքների համար՝ միայն այն պատճառով, որ հայտարարել է Հայ առաքելական եկեղեցին իր ձեռով պաշտպանելու մտադրության մասին: Որեւէ հակասիրական բան չի արել, գործողություն չի ձեռնարկել, բայց Նիկոլ Փաշինյանը նրա սասածի մեջ իր իշխանության նկատմամբ սպառնալիք է տեսել եւ հրահանգել է կալանավորել նրան. Կարապետյանն արդեն 9-րդ ամիսն է՝ անազատության մեջ է: Հայաստանի պատմության մեջ սա աննախադեպ իրավիճակ է: Հայաստանը երբեք չի փայլել իր ժողովրդավարությամբ, ընտրությունները չեն եղել կատարյալ, բայց իշխանությունը երբեք նախընտրական փուլում չի կալանավորել ընդդիմության առաջնորդին կամ առաջնորդներին, խոսքը հիմնական ընդդիմադիր քաղաքական ուժերի առաջնորդների մասին է: Նույնիսկ հետընտրական փուլում, երբ ընդդիմությունը փողոցում բողոքարկել է քվեարկության պաշտոնական արդյունքները՝ հայտարարելով դրանք կեղծված, ընդդիմության առաջնորդները եղել են անձեռնմխելի. 1996 թվականին Լեւոն Տեր-Պետրոսյանը չկալանավորեց Վազգեն Մա-

1-ի իրադարձություններից հետո իշխանությունն ընդդիմության առաջնորդ Լեւոն Տեր-Պետրոսյանին կալանավորելու որոշում չկայացրեց: Արդյո՞ք 2026 թվականի խորհրդարանական ընտրությունները կարող են համարվել ժողովրդավարական, երբ իշխող կուսակցության ղեկավարն ազատորեն չըջում է մարզերում, իսկ նրա քաղաքական հիմնական մրցակիցը զրկված է անգամ սեփական տևից դուրս գալու եւ մարդկանց հետ

ՀՈՒՄԱՆ



## ԱՌԱՋԻԿԱ ԸՆՏՐՈՒԹՅՈՒՆՆԵՐԸ շԵՆ ԿԱՐՈՂ ՎԱՄԱՐՎԵԼ ԱԶԱՏ ԵՎ ԱՐԴԱՐ

օգտագործում է իր քարոզարշավի համար, հանրության միջոցով իրականացվող աշխատանքը ներկայացնում է որպես իր գործունեության արդյունք, իսկ իր քաղաքական մրցակցին զրկել է անգամ սեփական միջոցներով տեղաշարժելու, խոսելու եւ գործելու հնարավորությունից: Ընդ որում, Սամվել Կարապետյանը բրեւական հանցագործ չէ, նա հետապնդվում է բացառապես իր քաղաքական

նուկյանին, չնայած տեղի էր ունեցել հարձակում խորհրդարանի շենքի վրա, 2003-2004 թվականներին, երբ ոստիկանական ուժերը ներխուժեցին ընդդիմադիր ՀԺԿ, ԱՄ եւ «Հանրապետություն» կուսակցությունների գրասենյակներ, կալանավորվեցին բազմաթիվ ընդդիմադիր գործիչներ, սակայն դարձյալ կուսակցության ղեկավարները մնացին ազատության մեջ: Անգամ 2008 թվականի մարտի

չփվելու տարրական ազատությունից: Սա հռետորական հարց է, որովհետեւ դրա պատասխանն ակնհայտ է. առանց ազատ մրցակցության չի կարող լինել ազատ ընտրություն, առանց ազատ ընտրության՝ ժողովրդավարություն: Բռնապետության պայմաններում չեն լինում ազատ ընտրություններ, բռնապետությունը տապալվում է համաժողովրդական պայթյալով:

Ավետիս ԲԱԲԱՋԱՆՅԱՆ

Տեսքով ատրճանակի նկար եւ դնում՝ բլրկում են: Երկրի վարչապետն ասում է՝ տանեմ, մեր ողջ սպառազինությունը ցույց տամ, աշխարհը գլխին է հավաքվում: Ինչպե՞ս հասկանամ այս ֆեյսբուքյան փոփոխությունը:

Կապանում, հավանաբար առաջնագծի մոտիկությունից, նա իրեն կորցրել էր: Թե բա՝ «ես 2-3 ամիս առաջ հայտարարություն արեցի, որ այն քաղաքացիները, որոնք ուզում են տեսնել, թե ինչ ենք ձեռք բերել, կտանեմ, ցույց կտամ: Արդեն մի քանի խումբ հրավիրել, տարել, ցույց եմ տվել, սակայն մարդկանց թիվն այնքան մեծ է, որ եկանք այն եզրակացության, որ բոլորին պետք է ցույց տանք, հրապարակային պետք է ցույց տանք»: Խոսքն այս տարիներին, մասնավորապես 2022 թվականից հետո, իրենց ձեռք բերած զենք-զինամթերքը ցույց տալու մասին է: Բայց կամ, արդյո՞ք, դրա անհրաժեշտությունը՝ չգիտեմ: Եվ կամ՝ այդ ինչ խմբերի է տարել, ցույց տվել մեր զինանոցը: Սուրեն Պապիկյանը մի առիթով 2-3 հատ պարսատիկ ցույց տվեց: Դա տեսել ենք: Ամոթից գետինը մտա: Հնդիկներն այդ զենքերը որսի ժամանակ են օգտագործում: Սրանք, դու մի ասա, ձեռք են բերել ու մարդկանց խմբեր են հավաքում, որ տանեն, ցույց տան: Ցանկացողներին, գոնե, ավտոբուսով եք տանելու: Ինչ պակաս էքսկուրսիա կատարվի... Չարկ տանք զբոսաշրջությանը դեպի գիւղեր... Ավտոբուսներն էլ՝ սրտիկներով, չէ: Իսկ ճանապարհին,

բնականաբար՝ կարկանդակի, խաշած եգիպտացորենի, սուշուխի, թթու եւ սովորական լավաշի հյուրասիրություն:

Նորից եմ ասում՝ չեմ կարողանում հասկանալ սրա անհրաժեշտությունը: Մանավանդ ինքն էլ վախենում է, որ թշնամին հանկարծ դա կընկալի որպես ագրեսիայի դրսեւորում: Ասում է. «Մենք, սակայն, դա անում ենք խաղաղությունն ընդօգնելու եւ խաղաղության համատեքստում. խաղաղություն է, մեր հարեանների հետ լարվածությունն չկա, մեր հարեանները, հույս ունենք, որ դա չեն ընկալի որպես ագրեսիվության ցուցադրություն»: Մարդ ես, ու թշնամիդ (յաման հարեանդ) դա ընկալեց որպես ագրեսիվության ցուցադրություն... Ի՞նչ ես անելու: Իսկ եթե վստահ ես, որ «հարեանդ» դա կարող է ընկալել այլ կերպ, բան հենց ագրեսիվությունն է, ապա ինչո՞ւ այդ ամենը չես ցուցադրում զինվորական շքերթով: Այդքան ավտոբուս վարձիր, զբոսաշրջիկների կերակրիր, զուգարանի հարցերը լուծիր... Ինչո՞ւ ես բարդացնում հարցը: Առջեւում քաղաքացու օրն է՝ ձեր տոնը... Բեր, հրապարակով մի քանի բան անցկացրու, վերջանա, գնա: Ձեռքի հետ էլ մեր զինվորների քայլերը կտեսնենք, հագուկապը: Բա չիմանանք, թե հետպատերազմյան «խաղաղության» այս տարիներին ինչ ունենում եք իրականացրել բանակում: Այլապես տպավորություն է ստեղծվում, որ մեր երկրի ղեկավարն իր այս «հանդուգն» քայլով (տանեմ, սաղ ցույց տամ) ավելի շատ

## ՊԵՏՔ ԼԻՆԻ՝ ՈՒՐԻՇ ԲԱՆ ԵՆ ՅՈՒՅՑ ԿՏԱՄ

մեր խեղճությունը, բան հզորությունն է ուզում աշխարհին ցույց տալ: Ասում է՝ բոլորին ենք ցույց տալու...

Իր ոչ մի քայլի համար ժողովրդին հաշվետվություն չներկայացրած վարչապետը Կապանում հանկարծ հիշել է ժողովրդի ու նրա առաջ հաշվետու լինելու մասին: Ընտրություններից առաջ նման բաներ հաճախ են պատահում, եւ ես, կարծում եմ, ճիշտ եմ հասկանում նրա այս մղումը: 2-3 ամիս առաջ (իր հաշվարկներում ամեն ինչ պլյուս-մինուսով է) իրեն հարցրել էին՝ ո՞ւր եք մտցրել պարտքով վերցրած 8,5 միլիարդ դոլարը: Ասել էր՝ զենք ենք առել: Այսինքն՝ ստել էր, բայց քանի որ 8,5 միլիարդի զենքը կատակ բան չէ եւ կարող էր «հարեանի» մոտ տպավորություն ստեղծել, թե Հայաստանն իսկապես «ագրեսիվ» տրամադրություններ ունի, Պապիկյան Սուրյոյն կարգադրեց մի երկու հատ հնդկական պարսատիկ ցույց տալ: Ու հիմա, երբ ոչ ոք չի հավատում, որ սրանք 8,5 միլիարդի զենք են առել, ավելին՝ երբ բոլորը պնդում են, որ այդ գումարները փոշիացվել են, կորել պարզեւատրությունների ու վայելքների ծովում, որոշել են, այնուամենայնիվ, քաղաքացիներին նախընտրական հաշվետվություն տալ: Կապանում ասում է. «Ժողովրդի առաջ հաշվետվություն ենք ներկայացնելու, եւ դա, երեւի, մայիսին տեղի կունենա: Ցուցադրելու ենք միայն մեր իշխանության օրոք եւ հիմնականում 2022 թվականից հետո ձեռք բերված



սպառազինությունը»: Ախր, մանկապույցահան թափվում է, եւ, վրայից... Եղ ի՞վ է Կապանից հասնելու Երեւան, որ մի հատ էլ տանես՝ պարսատիկներդ ցույց տաս: Ուրիշ հարցեր էլ կան՝ ինչո՞ւ հենց մայիսին, եթե ընտրությունները հունիսի 7-ին են, ինչո՞ւ միայն 2022 թվականից հետո ձեռք բերված զենքերը, եթե հայտնի է, որ 2020-ին էլ լիքը զենք ենք ձեռք բերել՝ չհաշված նվեր ստացած զենքերը, որ այդպես էլ չկրակեցին հանուն Արցախի ու մեր օկուպացված տարածքների:

ՀԳ. Պարոն վարչապետ, դու ձախավեր կառավարման 8 «փայլուն» տարիներ ես ունեցել, եւ այդ տարիների հաշվետվությունն է, որ ժողովրդը պահանջում է քեզից: Թե բա՝ տանեմ, ցույց տամ... 8 տարվա անընդմեջ պարտություն... Ի՞նչ ես ցույց տալու:

Էդիկ ԱՆԴՐԵԱՅԱՆ  
edik.andreasyan  
@hraparak.am

Իրավապաշտպան Լարիսա Ալավերդյանի հետ զրույցում անդրադարձել ենք Բաբելոն մեր պատանդաված գերիների ձերբակալության մուտք կողմին և պատճառներին, թե ինչու նրանք ազատ չեն արձակվում:



- Մեր գերիներին Բաբելոն դատեցին որպես ահաբեկիչների, և ցիստներ են անվանում: Երբ եւ որտեղ էին այդ մարդիկ ահաբեկիչ կամ ևացիստ ճանաչվել:

- Նախ, նրանք գերի կամ ռազմագերի չեն, նրանցից ընդամենը 2-ն են ռազմագերի, որոնք մասնակցել են 2020թ. ռազմական գործողություններին, և նրանց պահելն արդեն իսկ միջազգային իրավունքի դեմ հանցագործություն է: Դրա մասին կարելի էր հարց բարձրացնել միջազգային քրեական դատարանում, ինչը չի արվել: Մյուսները քաղաքական պատանդ են, որն արգելված է միջազգային իրավունքով: Եվ նրանց պատանդ լինելն ապացուցվեց, երբ 4 հոգու վերադարձին 2 միջազգային հանցագործի դիմաց, որոնք էլ Թուրքիայի միջոցով վերադարձվեցին Սիրիայում գտնվող ահաբեկչական խմբավորմանը: Այդ պատանդներին, առաջին հերթին Արցախի քաղաքական ղեկավարությանը, դատում են ինչպես միջազգային ահաբեկիչներ: Այնինչ 30 տարի ընթացում էին բանակցություններ, իսկ բանակցային գործընթացում ընդգրկված էին ԱՄՆ-ն, Ռուսաստանը և Ֆրանսիան: Ցույց վրեժ մի փաստաթուղթ, թեկու՞՞ աշխատանքային, որտեղ Արցախի ղեկավարությանն անվանել են ևացիստ, ֆաշիստ կամ ահաբեկիչ: Չկա այդպիսի բան:

- Մեր իշխանությունը մասնակից է այդ մարդկանց գերեվարության, պատանդառության հանցանքում:

- Մատը խառն է այս իշխանությունների. առանց 33 վարչակազմի համաձայնության, էլ չեն ասում ինչն ենք, երբ խոսքը գնում է հատկապես Արցախի ռազմաքաղաքական ղեկավարության մասին, դա չէր կարող տեղի ունենալ: Ինչից, ահա, այդտեղ փնտրեք: Մնացածը, թե ինչ կբացահայտվի, ինչ արդյունք կունենա և ինչպիսի արձագանք կգտնի հասարակության մեջ, դեռ կտեսնենք: Բայց այս հասարակությունն այնքան ծեծված է նսեմացված է, որ կարող է ամեն ինչ էլ պարզվի, և որտե՞՞ ակտիվ գործողություն տեղի չունենա: Եվ դրանից չէ, որ այս վարչակարգը վախենում է: Այս վարչակարգը վախենում է միայն ու միայն դրսի իր ղեկավարներից: Բացարձակապես նա չունի այն ինչից, թե ինչ կմտածի ժողովուրդն այստեղ: Այս ժողովուրդին խաբելով են նրանք հասել իշխանության, և դա բոլորը գիտեն, արդեն բացահայտ է:

- Սամվել Բաբայանին բաց են թողնում, իսկ Վահիգ Խաչատրյանին ձերբակալում են, որովհետև Սամվել Բաբայանի վարորդն է եղել: Ինչպե՞ս հասկանալ:

- Սամվել Բաբայանին ճանաչում են վաղուց և ասեն, որ սիրտս ուղղակի մղվում է: Երբ ինքը ծանր, գետնալին ոչ հարիր խոսքեր է ասել նույն մեր

չոցով առայժմ գործող ամենապղտոր ուժերի համար, լինի դա հավաքական Արեւմուտքը, թե լինի Ամերիկան: Ինչից են այն է, որ Իրանի դեմ գործողություններն արդեն ցույց են տալիս, որ Արեւմուտքը համապատասխան կերպով չի գնահատում Իրանին՝ որպես հին քաղաքակրթություն: Հակառակը, իրենք աշխատում են հին քաղաքակրթություններն ուղղակի ջնջել: Բայց տեսնում ենք, որ իրենց հաշվարկները տապալվում են առաջին իսկ օրերից: Մենք պետք է հասկանանք, թե նրանց համար Յայաստանն ինչ է: Նրանց համար կարեւորն այն է, որ, օգտագործելով այսօրվա Թուրքիային, հասնեն իրենց կեղտոտ հաշվարկների կատարմանը: Մենք գտնվում ենք այնպիսի մի վիճակի մեջ, երբ մեզ վրա կախված են այդ վտանգները: Ոչ միայն այն, թե Թուրքիան ինչ կանի, այլ նաեւ՝ այն, որ մենք վտանգված ենք և պետք է իմանանք, թե ինչ ենք անում: Այն ամենը, ինչ մեզ հետ կատարվում է, պատճառները մեր մեջ են: Դա կարծես վատ բան է, բայց նաեւ լավ բան է, որովհետեւ լուծումները մեր ձեռքին են: Մենք պետք է հստակեցնենք, որ այս իշխանություններն ի գործն չեն, որովհետեւ նրանք եկել են այլ ծրագրերով: Կարող է նրանք չգիտենի էլ մինչեւ վերջ ծրագրերը, բայց երբ արդեն իրենք այդ ճանապարհի վրա են, պարտավորված են անել: Ես ձեզ կասեմ, որ դրա գիղը

է տեսնել այն խրախճանքները, որ իրենք իրականացնում են, ոչ թե նրա համար, որ հաղթել են թշնամուն, այլ՝ որ հաղթել են հայ ժողովուրդին: Եվ տոնում են հենց այդ հաղթանակը: Այս առումով իրենք ոչ մի բանի առջեւ կանգ չեն առնելու: Դա նշանակում է, որ ելք չկա: Ծիշտ հակառակը: Այդպիսի վիճակներում հենց ժողովրդի միասնական, չեն ասում՝ բոլորի, այլ այն խելացի, մշակութային, քաղաքական վերնախավի, եթե դեռ ունենք, միայն դրանց միասնական կամքի ուժով կարող ենք ելք գտնել և դուրս գալ: Չեն ասում՝ մի կազմակերպություն լինեն. միասնություն, թեկու՞՞ վիրտուալ որբեւ մեկ դաշտում, որտեղ կարող են նույնիսկ իրար չհանդիպել, եթե չեն ուզում տեսնել միմյանց: Չկա այնպիսի վիճակ, որ անհույս լինի: Երբ չինացի իմաստունին հարցրել են՝ ինչ է անհրաժեշտ հաղթելու համար, պատասխանել է՝ զենք, ռեսուրս և կամք: Ասել են՝ իսկ եթե չկա այդ ռեսուրսը: Ասել է՝ զենք և կամք: Իսկ եթե զենքն էլ չկա: Ուրեմն՝ կամք:

- Բաբելոն դատվում էին Հայաստանը, Արցախի ինքնորոշման իրավունքը, ժողովուրդների ազատությունը: Սամ և Փաշինյանի ասած «իրական Հայաստանը»:

- Այդ դատավարությունը գլոբալ նշանակություն ունի: Նրանք դատում են ոչ միայն Արցախի ղեկավարությանը, այլեւ՝ այն ժողովուրդին, որն

# ԻՐԵՆՑ ԿՎԱՍՆԻ ՄԱԴՈՒԻՐՈՅԻ ՏԱՐԲԵՐԱԿԸ՝ ԼԱՎԱԳՈՒՅՆ ԴԵՊՔՈՒՄ, ԿԱՄ ԽԱՄԵՆՆԵԻԻ ԾԱԿԱՏԱԳԻՐԸ

- Ինչն է պատճառը, որ Հայաստանի իշխանությունները որեւէ գործնական քայլ չեն կատարում՝ մեր պատանդներին վերադարձնելու համար:

- Պետությունը, որ պետք է շահագրգիռ լինի՝ վերադարձնելու իր պատանդներին, փոխարենն անում է խիստ հակառակ գործողություններ, նույնիսկ՝ ավելին: Ես այդպես եմ գտնում և պնդում եմ, որ պետական մակարդակով հենց Հայաստանն է խոչընդոտ այդ մարդկանց վերադարձին: Այդ, մեր քաղաքական պատանդների վերադարձի ամենամեծ խոչընդոտը 33 օրվա վարչակազմն է: Ինչո՞ւ: Որովհետեւ մենք լսել ենք վարչապետին ոչ հարիր հարցադրում, մասնավորապես՝ Ռուբեն Վարդանյանի մասին, թե մենք դեռ պետք է իմանանք՝ Ռուսաստանն ինչու է ուղարկել, ով է նա և այլն: Կներեք, դրանք «դանոսչիկի» խոսքեր են, միայն ամենացածր «դանոսչիկին» է սազում նման արտահայտությունը: Այնպես չէ, որ չի հասկանում, թե ինչ է ասում: Այդ խոսքերի տակ հստակ դիրքորոշում կա. այդ մարդկանց՝ Հայաստան վերադարձի մերժումն է: Միջազգային հարաբերություններում շատ լավ հասկանում են, թե ինչ է նշանակում վարչապետի պաշտոնը զբաղեցնող անձի կողմից նման հայտարարություն անելը: Դա ամենացածր մակարդակի «դանոս» է:

այդ պատանդների հասցեին, ամենից շատ են եմ ցավագեցել, սրտիցս արյուն էր կաթում: Ես չեի ուզեմ, որ Արցախի հերոսներից մեկն այդպես արտահայտվեր: Այդպես հենց ինքն է ամենամեծ ստվերը գցում իր հերոսական անցյալի վրա: Եվ այնպես չէ, որ ես դրա համար ուրախանում եմ:

- Սրանց իշխանությունը 8 տարի տեսնելուց հետո ինչ եզրահանգման գանք. ովքեր են սրանք, և ո՞րն է սրանց վերջնական նպատակը:

- Ես համոզված եմ և մինչեւ անգամ կարող եմ ապացուցել բաց տեղեկատվությունից, որ այս իշխանությունները բերված են ամենապղտոր գլոբալիստական կենտրոնների կողմից: Այդ, պայթարը եղել է՝ ճանաչելի Արցախը որպես անկախ, թե՛, այսպես ասած, մեծ, գլոբալիստական կենտրոնների հաշվարկներով ոչ միայն Արցախը, այլեւ Հայաստանը դարձնել տարածք: Տարածք, այլ ոչ թե որեւէ տարբերակ: Յնարավոր է, որ ինչ-որ խորհրդանիշներ մասն՝ դրոշմ են այլն: Բացարձակապես ինչից չկա, որ տարածքը ձեռակա անուկ մա: Եվ այն, ինչ որ անում է օրվա վարչապետի պաշտոնը զբաղեցնող անձը, դրա մասին է խոսում: Փաստորեն, անում են ամեն ինչ, որ ձեռակա ինչ-որ անուն մա, և այս հանրապետությունն ամբողջովին դառնա տարածք Թուրքիայի ու իր մի-

կյանք է: Նրանք չեն վախենում, որ իրենց Հայաստանի ինչ-որ մարդիկ՝ վրիժառուներ, կսպանեն. դրա վախը չունեն: Իրենք գիտեն, որ եթե չկատարեն իրենց տված խոստումները Թուրքիային և այդ պղտոր կենտրոններին, ապա իրենց կհասնի Մադոբոյի տարբերակը՝ լավագույն դեպքում, որ ողջ է մնացել, կամ համեմտի ճակատագիրը, որովհետեւ չի արել: Իրենց կյանքի հարցն է, և դա չի սպառնում Հայաստանից: Մենք պետք է հասկանանք, որ նման դեպքերում փոքր երկրների ուժը կամքն է, ինտելեկտն է, խելքն է: Եվ սուտ է, որ մենք չունենք դաշնակիցներ: Պետությունները դաշնակից են, երբ դու բեզ պահում ես արժանապատիվ:

- Ստացվում է, որ սրանք մալու են և կատարեն իրենց տերերին տված խոստումները: Արդյո՞ք չկա հույս ու ճար, և դա արդյո՞ք ժողովրդի ձեռքում չէ:

- Իրենք պատրաստ են ամեն ինչի: Ես չեմ կանխատեսում, բայց տրամաբանորեն մենք տեսնում ենք, որ այդ վտանգները մեզ վրա կախված են, և որտե՞՞ բանի առաջ կանգ չի առնելու այս իշխանությունը: Ինչո՞ւ: Նախ, բարոյականությունը գննե մեկ օր, մեկ գիշեր չի մնացել այդ մարդկանց մոտ: Այսինքն՝ այսպես կոչված, կարմիր գծեր, բարոյականությունն սրանց համար գոյություն չունեն: Բավական

ազգային ազատագրական պայքար է մղում կամ իր ինքնորոշման իրավունքն է պաշտպանում: Արցախը չի ինքնորոշվել Ադրբեջանի կազմում, Արցախը կայացել է Ադրբեջանին բոլորովին չպատկանող տարածքների վրա: Եվ այս ամենը վտանգ է ներկայացնում ադրբեջանցիների համար: Ես չեմ զարմանա, լավ ճանաչելով ադրբեջանական մտածելակերպը, որ Ադրբեջանը մի օր դատի տա Միսկի համաձայնագրի երկրներին: Որովհետեւ նրանք ոչ միայն բանակցում էին, այլեւ ֆինանսավորում էին: Եթե հաշվի առնենք, թե ինչի համար են դատվել մեր պատանդները, ապա այս երեք պետությունները նույնպես բարձր մակարդակով սպասարկել են ահաբեկիչ մի միավորի: Իսկ Հայաստանի հասարակությունն իրեն պահում է անտրամաբանական: Մենք չենք օգտագործել հաղթելու, այս իշխանությանը դուրս մղելու մեր շտեմարանը: Չենք օգտվել մեր իրական շտեմարանից և անգամ 5 տոկոս գործիքակազմից, որովհետեւ առաջին գործիքակազմը վիրտուալ միասնությունն է՝ իսկական Հայաստանի դեմքը ցույց տալու համար: Չկա: Հարցրեք միջազգային հանրության ամենաարդար մարդուն. ասում է՝ ո՞ր եք: Ռ՛ւր է ձեր իսկական Հայաստանը, ասում եք՝ իրական Հայաստանը հնարածին է, իսկ որտեղ են իսկական Հայաստանի ձայնը, դեմքը:

# ԻՐԱՆԵՆ ԻՐ ՁԵՌՔԵՆ ԵՎ ՎԵՐՅՐԵԼ ՆԱԽԱՁԵՌՆՈՒԹՅՈՒՆԸ

Յորմուզի նեղուցը փակելու որոշում կայացնելով՝ մերձավորարեւելյան ներկայիս եսկալացիայում Իրանն իր ձեռքն է վերցրել Նախաձեռնությունը՝ գրում է The Guardian պարբերականը: Յորմուզի նեղուցը փակելը կարող է բերել նրան, որ ներկայիս իրանական հակամարտությունում ԱՄՆ ու


Իսրայելը կկորցնեն Նախաձեռնողականությունը: Եվ դա կցնցի համաշխարհային տնտեսությունը: Լոնդոնի Արքայական քոլեջի անվտանգային հարցերի հետազոտող պրոֆեսոր Պիտեր Նոյմանը նշում է, որ Վաշինգտոնն արդեն բանի օր է՝ փորձում է հնարավորինս «լավ պատասխան» գտնել Թեհրանի կողմից Յորմուզի նեղուցի

փակմանը: Դա, ըստ նրա, ամերիկյան վարչակազմի համար անակնկալ էր: Եվ հիմա, ըստ էության, սպառնալիքի տակ են հայտնվել Իսրայելի և ԱՄՆ-ի բոլոր պլանները: Թրամփին արդեն հանդես է եկել կոչով՝ հորդորելով բոլոր երկրներին, որոնք կախված են այդ նեղուցով տեղափոխվող նավթից, բայլեր ձեռնարկել՝ նեղուցի վերաբացման և անվտանգ նավագնացության վերականգնման ուղղությամբ:

Դա, ըստ նրա, ամերիկյան վարչակազմի համար անակնկալ էր: Եվ հիմա, ըստ էության, սպառնալիքի տակ են հայտնվել Իսրայելի և ԱՄՆ-ի բոլոր պլանները: Թրամփին արդեն հանդես է եկել կոչով՝ հորդորելով բոլոր երկրներին, որոնք կախված են այդ նեղուցով տեղափոխվող նավթից, բայլեր ձեռնարկել՝ նեղուցի վերաբացման և անվտանգ նավագնացության վերականգնման ուղղությամբ: Նաեւ սպառնացել է, որ եթե ԱՄՆ-ն այդ հարցում ամերիկացիներին չօգնի կամ գործուն քայլեր չձեռնարկի, ապա դաշինքին շատ վատ ապագա է սպասվում: Ռազմական փորձագետ Էրլ Ռասմուսենն էլ նշել է, որ Թրամփի անհանգստությունը հասկանալի է, քանի որ նեղուցը մի բանի ամիս կարող է փակ մնալ և վերահսկվել իրանական կողմից: Դա կանխելու համար հնարավոր է, ԱՄՆ-ը կտրուկ քայլերի գնա:

Նարեկ ՅԱՐՈՒԹՅՈՒՆՅԱՆ

ՍՄԵՐՈՒՄ



Գագիկ ԱՆՏՈՆՅԱՆ

Լյուբերը՝ Նարեկ ԶԱՐԻՔԻՆԻԱՆԻ

## «Մեւ ծովի ալիքները». Ֆիլմ, որն արժեն դիտել

«Մեւ ծովի ալիքները» խորհրդային կինոնկարը նկարահանվել է 1975-76 թթ., այն խորհրդային մանկական եւ պատմաարկածային գրականության ամենից կարեւոր գործերից մեկի էկրանավորումն է: Կինոնկարի ռեժիսորներն են Արթուր Վոյտեցկին, Օլեգ Գոյդոյը, Կյաչեսաձ Զրիշտոֆովիչը: Նկարահանվել է Դոլմենկոյի անվան կինոստուդիայում՝ ԽՍՀՄ Կենտրոնական հեռուստատեսության պատվերով: Ֆիլմի պրեմիերան կայացել է 1976 թվականին: Բազմասերիալն ունի հիմքում Վալենտին Կատանի «Մեւ ծովի ալիքները» բանաստեղծությունը: Մեկ փոփոխություն է արվել հատորներն են ընկած: Սա մանկապատանեկան եւ հեղափոխական ժամանակները ներկայացնող հետաքրքիր վիպաշար է, որտեղ դեպքերը կատարվում են 20-րդ դարի սկզբին՝ Օդեսայում, իսկ իրականությունը ներկայացվում է դեռահասների ընկալման պրիզմայով: Ինչպես սովորաբար հատուկ է խորհրդային կինոյին, այստեղ եւս միախառնված է մի քանի ժանրային տարր՝ պատմական քրոնիկա, արկածային կինո, դաստիարակչական դրամա: Եվ այս միախառնմամբ՝ փորձ է արվում ներկայացնել երիտասարդ հերոսների անհատականության ձեւավորման պրոցեսը՝ պատմական շրջադարձային ժամանակահատվածում: Բացի պատմական կոնտեքստում անձի ձեւավորման նկարագրից, կինոնկարում նաեւ այլ թեմաներ են արծարծվում՝ ընկերություն եւ սոցիալական հավասարություն, պատմական հիշողություն, պատանեկան արկածասիրություն:

Այն հիանալի ընտանեկան կինոնկար է, որն արժանի է դիտման: Իսկ պատմական ժամանակի եւ միջավայրի վերակերտմանը հատկացված մեծ ուշադրությունն օգնում է, որպեսզի ընդհանուր պատմական կոնտեքստում ավելի լավ ընկալվի կինոնկարը՝ անկախ գաղափարական ուղղվածությունից: Ֆիլմում հանդես է եկել հայտնի դերասանների մի բույլ՝ Օլեգ Տաբակովը, Ադա Ռոզովցեան, Ալեքսեյ Պետրենկոն, Բոգդան Ստոպկան եւ այլք:

Մի քանի շաբաթ առաջ «Յրապարակ» օրաթերթը հարցում էր ուղարկել Լուու մարզի մի շաբթ համայնքների ղեկավարներին՝ պարզելու, թե ինչ աշխատանքներ են կատարվում համայնքային զբոսայգիներում՝ ոչ միայն մաքրության ու բարեկարգման, այլեւ քաղաքացիների հանգիստն ու ժամանցը կազմակերպելու ուղղությամբ: Մենք արդեն անդրադարձել ենք, որ Ստեփանավան, Սպիտակ, Ալավերդի համայնքներից ստացել ենք հիմնականում ձեռնարկ պատասխաններ, որտեղ խոսվում է միայն մաքրման ու ծառատունկի մասին:

Ստացանք նաեւ Վանաձորի համայնքապետարանի պատասխանը: Ըստ այդմ՝ համայնքում զբոսայգիների եւ պուրակների սպասարկումն իրականացնում է համայնքապետարանի ենթակայությամբ գործող «Նեցուկ 32» ԶՈԱԿ-ը: Նշվում է, որ ամենօրյա սանիտարական մաքրման աշխատանքներ են կատարվում Զայքի հրապարակում, Զիմիագործների այգում, Սայաթ-Նովայի անվան եւ մի շարք այլ պուրակներում: Տարվա ընթացքում

տասխանատուները, մեխանիզմները, որոնց միջոցով քաղաքացիները կարող են ոչ միայն հանդիսատես լինել, այլ նաեւ մասնակցել այդ նախաձեռնություններին: Մինչդեռ քաղաքային այգին պետք է լինի քաղաքի մշակութային եւ հասարակական կյանքի կենդանի կենտրոններից մեկը: Մարդիկ պետք է ոչ միայն նստեն նստարաններին կամ քայլեն ծառուղիներով, այլեւ մասնակցեն տարբեր նախաձեռնությունների՝ գրական երեկոների, ասմունքի մրցույթների, մանկական ներկայացումների, բացօթյա համերգների, ֆիլմերի ցուցադրությունների կամ ստեղծագործական հանդիպումների:

Օրերս շրջեցի մի քանի զբոսայգիներում: Ցավոք, տեսածս միայնակական չէ: Զիմիագործների այգին, ինչպես նաեւ Նախկին Երկաթուղայինների՝ այժմ Զրանտ Մաթեոսյանի անվան զբոսայգին ակնհայտորեն ունեն մաքրության եւ բարեկարգման խնդիրներ: Այստեղ դեռ մեծ աշխատանք կա կառուցելու՝ թե տարածքների մաքրման, թե ընդհա-

լրացնելով արդեն գոյություն ունեցող տարբեր ոճերի ու գույների, այգու հետ անհամատեղելի կառույցների շարքը: Նույն հատվածում կարելի է տեսնել ավերակ մանկական կարուսելներ՝ ժանգոտած մետաղական կառուցվածքներով եւ կոտրված թելերով: Մոտակայքում դեռ պահպանվել են մանկական գնացքի ժանգոտած գծերը, վագոններն ու էլեկտրաքարշը: Այս ամենը՝ մոլախոտի մեջ խեղդված, որն ավելի շուտ հիշեցնում է լքված տարածք, քան վերջերս վերանորոգված մանկական այգի: Նման վայրերը հաճախ դառնում են թափառող շների ապաստարան: Այգու կա նաեւ գեղեցիկ լճակ, սակայն անցած ամառ, նույնիսկ շոգ օրերին, այն ջրով չցցվեց: Ուստի հարց է ծագում. արդյոք բավարար է միայն մաքրել այգիները եւ երբեմն կազմակերպել մեկ-երկու միջոցառում:

Հիշեցնենք, որ ոչ այնքան հեռավոր անցյալում մեր քաղաքների զբոսայգիները շատ ավելի աշխույժ էին: Այստեղ կազմակերպվում էին գրական եւ երաժշտական, պարի երեկոներ,

## ՄԱՆԿԱԿԱՆ ԱՅԳԻ, ԺԱՆԳՈՏԱԾ ՌԵԼՍԵՐ, ՄՈՒԼԱԽՈՏԻ ՄԵՋ ԿՈՐԱԾ ՏԱՐԱԾՔ

իրականացվում են շաբաթօրյակներ, ետվում են ծառերը, տարբեր ծրագրերով բարեկարգվում են որոշ տարածքներ: Ամռան եւ աշնան ամիսներին այգիներում կազմակերպվում են ցուցահանդեսներ, որոնք ուղեկցվում են երաժշտական կատարումներով, երիտասարդ DJ-ների նախաձեռնությամբ բացօթյա համերգներ են կազմակերպվում, նաեւ՝ բացօթյա կինոդիտումներ, լուսանկարչական ցուցահանդեսներ: Սակայն չեն նշվում կոնկրետ ծրագրեր, դրանց անցկացման ժամանակացույցը, պա-

նուր տեսքի բարելավման ուղղությամբ: Ավելի վատ պատկեր է քաղաքի գլխավոր՝ Սայաթ-Նովայի անվան մանկական այգում, որը դեռ անցյալ տարի հիմնանորոգվել է եւ հանդիսավորությամբ բացվել: Այգու հեռավոր ծայրին, Աբովյան փողոցի հարեանությամբ մի հսկայական փոս է բացվել: Ենթադրություններ կան, թե տարածքը տրամադրել են որեւէ շինարարության համար: Եթե այդպես է, ստացվում է, որ այգու առանց այդ էլ փոքրացած ու փոքրացող տարածքում կարող է հայտնվել եւս մեկ շինություն՝

ասմունքի մրցույթներ, մանկական ներկայացումներ, ցուցահանդեսներ, բացօթյա կինոդիտումներ: Մարդիկ ոչ միայն դիտում էին այդ միջոցառումները, այլ նաեւ մասնակցում էին դրանց: Ձեւավորվում էր համայնքային մշակութային կյանքը: Ինչիւ չվերականգնել ավանդույթներն ու չվերադառնալ նախկին փորձին: Զաղաքային այգիները չպետք է պարզապես ծառերի եւ նստարանների հավաքածու լինեն: Դրանք քաղաքի մշակութային եւ հասարակական կյանքի կարեւոր հայելին են:

## ԳՐԱԿԱՆԱԳԻՏԱԿԱՆ շՐՋԱՆԱԿՆԵՐՈՒՄ ՀԱՃԱԽ ԵՆ ՀԱՅ ԻՐԱԿԱՅՈՒԹՅԱՆ ԴՐԱՄԱՆՈՒՄ

Գրականագիտական շրջանակներում հաճախ են հայ իրապաշտպան դրամատուրգի հիմնադիր Գաբրիել Սունդուկյանին համեմատում ռուս դասական հեղինակ Ալեքսանդր Օստրովսկու հետ, որը ռուսական ազգային թատրոնի հիմնադիրն է: Սունդուկյանն ու Օստրովսկին, ի դեպ, ծանոթներ են եղել, երբ Օստրովսկին Թիֆլիսում է եղել՝ 1883 թվականին: Այն ժամանակվա Կովկասի փոխարքայության «մայրաքաղաքում» Օստրովսկին ապրել է 1883 թվականի հոկտեմբերին: Սունդուկյանն այդ ժամանակ էլ այցելել է ռուս հեղինակին, նրան փոխանցել իր ստեղծագործություններից եւ այդ առթիվ արել հետեւյալ գրառումը, որը հետագայում՝ 1911 թվականին, տպագրվել է «Ռուսական ստարիկա» թերթում: «Ալեքսանդր Նիկոլաևիչը, իմանալով, որ ունեմ իմ «Պեպո» պիեսի ռուսերեն ձեռագիր թարգմանությունը, այն վերցրեց ինձնից Մոսկվա մեկնելուց առաջ եւ խոստացավ նայել, ուղղումներ անել, եթե անհրաժեշտություն լինի՝ լեզվի առումով, եւ բեմադրել այնտեղ: Սակայն Ալեքսանդր Նիկոլաևիչի ցանկությունն ի կատար չի ածվում՝ նրա հիվանդության եւ անժամանակ մահվան պատճառով, որը տիրության առիթ դարձավ ողջ Ռուսաստանի մտավորականության համար: Ալեքսանդր Նիկոլաևիչի բարի վերաբերմունքն իմ հանդեպ են երբեք չեմ մոռանա»: Իսկ որպես նվեր փոխանցված ստեղծագործությունների

## ԳԱԲՐԻԵԼ ՍՈՒՆԴՈՒԿՅԱՆԻ ՈՒ ԱԼԵՔՍԱՆԴՐ ՕՍՏՐՈՎՍԿԻՆ

գիրքն էլ մակագրել է. «Ալեքսանդր Նիկոլաևիչ Օստրովսկուն՝ ի նշան խորին հարգանքի՝ հեղինակից. 28 հոկտեմբերի, 1883 թվական. Թիֆլիս»:

Սունդուկյանը շատ ակտիվ մասնակցություն է ունեցել Թիֆլիսում Օստրովսկու պատվին կազմակերպված բոլոր հանդիսավոր միջոցառումներին: Նա արդեն առաջացած տարիքում էր՝ 83 տարեկան, երբ նրան հրավիրում են Մոսկվա՝ Նիկոլայ Գոգոլի արձանի բացմանը: Նա խորապես ափսոսում է, որ չի կարողացել մասնակցել այդ միջոցառմանը, քանի որ խորին հարգանք ուներ «Ռեպուբլիկ» հեղինակի հանդեպ: «Մտովի տեղափոխվում եմ այն հեռու ժամանակները, երբ, որպես ուսանող, ապրում էի Պետերբուրգում եւ տեսնում Շչեպկինին՝ քաղաքապետի դերում: Այդ ժամանակներից ամրացավ իմ սերը թատրոնի հանդեպ, որին ես նվիրեցի կյանքիս լավագույն տարիները, որին տվեցի իմ մասնակցությունը, հոգու մի լավագույն հիշողությունները, եւ նրան եմ պարտական նաեւ թատրոնի հանդեպ իմ ունեցած սիրո ձեւավորման համար...», - գրել է Սունդուկյանը: Ռուսական ազգային թատրոնի մեկ այլ նշանավոր դեմք՝ Միխայիլ Շչեպկինն էլ Սունդուկյանի համար հարազատ մարդ էր: Նույն՝ 1911-ին նա «Ռուսական ստարիկայում» գրում է. «Ինչ վերաբերում է հայտնի Շչեպկինին, ապա կարող եմ ասել, որ նրան տեսել եմ

մի քանի անգամ՝ Ալեքսանդրիայի թատրոնի բեմում, երբ գալիս էր Մոսկվայից: Չնայած անցել է արդեն վեց տասնամյակ, սակայն տպավորությունները, որոնք ունեմ նրա տաղանդավոր խաղից, երբեք չեն ջնջվել եմ, թե որքան բոցավառ էր «Ռեպուբլիկ» նա ներկայացնում քաղաքագլխի ամփոփիչ մենախոսությունը»: Սունդուկյանը Շչեպկինին անդրադառնում է նաեւ պետերբուրգյան թատրական կյանքը ներկայացնելիս. «Ես սիրեցի թատրոնն ու այդ ժամանակներից բաց չեմ թողել եւ ոչ մի՝ քիչ թե շատ հայտնի պիեսի բեմադրություն, որն իրականացվել է Ալեքսանդրիայի թատրոնում, որտեղ ապառք եմ մնացել Մարտինովի, Կարատիգինի, Շչեպկինի եւ շատ այլոց բեմական խաղով»: 1898 թվականին Յուրի Վեսելովսկուն գրած նամակում Սունդուկյանը եւս անդրադառնում է Շչեպկինին: Առհասարակ, իր հայացքներով, ավանդույթներով եւ հոգով՝ Սունդուկյանը կապված էր Մոսկվայի Փոքր թատրոնի հետ, որը նաեւ անվանում են «Օստրովսկու տուն»: Ու նրան այնտեղ մեծապես հարգում էին՝ ի դեմս Ալեքսանդր Սունդուկով-Յուրիևի, Ալեքսանդր Յաբլոնկինի: Ավելին, Սունդուկյանի դուստրը հետագայում դառնում է այդ թատրոնի դերասանուհի: Խոսքն Ալեքսանդր Լենսկու աշակերտուհու՝ Փոքր թատրոնի դերասանուհի Թինաթիևա Արմենիևա-Սունդուկյանի (1887-1970) մասին է:





**Փ**ետրվարի 25-ին Ստա-  
նիսլավսկու անվան ռուսա-  
կան դրամատիկական  
թատրոնի բեմում կայացավ «Բլոկա-  
դա» ներկայացման առաջնախաղը,  
որի հիմքում արցախյան բլոկադան  
է: Արցախցի մի ընտանիքի հյուր է  
գալիս Երեւանցի մի ընտանիք, եւ  
սկսվում է բլոկադան: Այս երկու՝ առա-  
ջին հայացքից միմյանցից տարբեր  
ընտանիքները պետք է, ամբողջ  
աշխարհից կտրված, գոյատևեն մեկ  
տան մեջ, եւ ոչ ոք չգիտի, թե ինչով  
կավարտվի ամեն ինչ: Ներկայացման  
բեմադրող ռեժիսորը Սեդրակ Գո-  
ջամանյանն է, պիեսի հեղինակը՝  
Անի Մաղաթյանը: «Բլոկադայի»  
սկզբնական գաղափարն առաջացել  
է պրոդյուսեր Արմեն Պետրոսյանի  
մոտ, մի գեղեցիկ օր եւ Արմենը  
մտքերի փոխանակման արդյունքում  
հասանք այն եզրակացությանը, որ  
արժե Արցախի բլոկադայի թեմայով  
ներկայացում անել: Զննարկեցինք,  
թե ում հետ կյանքի կոչենք գաղա-  
փարը, թե ով կարող է լավ սցենար

- Նախ ասեմ, որ լավ է, որ իշխա-  
նությունն արդեն չի էլ թաքցնում իրա-  
կանությունը եւ չի խոստանում, որ դե  
մի օր ամեն ինչ լավ կլինի... ուղիղ  
ասում են՝ Արցախի մասին չենք խո-  
սելու, իսկ նրանք, ովքեր կխոսեն, Տե-  
ղասպանության թանգարանի տնօրե-  
նի ճակատագրին կարծանանան: Ինչ  
վերաբերում է ներկայացմանը, ապա  
այն գրեթե քաղաքական թեմաներ չի  
շոշափում, առանձնապես քաղաքա-  
կան բնույթի ներկայացում անելու մի-  
տում չի եղել: Ռեժիսորի, պրոդյուսե-  
րի ցանկությունը շատ մեծ էր, որ  
ուղղակի այն մարդիկ, ովքեր զրկվել  
են իրենց տնից-տեղից, հայրենիքից,  
ամեն ինչից, պիեսը լինի հենց նրանց  
ապրումների մասին: Շատ ուրախ  
եմ, որ ներկայացումը կա, չգիտեմ, թե  
դեռ որքան կլինի հայ թատրոնի բե-  
մում, սակայն գաղափարը շատ լավն  
է: Ներկայացումը, քննակազմը, կո-  
մենտներն է, պետական որեւէ հովա-  
նավորություն չկա, արձագանքները  
շատ լավն են: Ես շատ եմ ուզում, որ  
այն դիտեն ոչ միայն Արցախի հայե-

- Տեղասպանության թանգարա-  
նի տնօրենն ուղղակի գիրք նվիրե-  
լով ունենա մտավախություն, որ իրեն  
կարող են աշխատանքից հեռացնել,  
անշուշտ՝ ոչ, ուստի որեւիցե մեկս չգի-  
տենք, թե վաղն ում մտքին ինչ կարող  
է փչել, եւ ինչ կարող է անել: Շատ  
անկանխատեսելի ժամանակներում  
ենք ապրում, գուցե Արցախի անունն  
էլ չտանք, բայց մեզ լռեցնելու մի առիթ  
գտնեն: Չեմ կասկածում, որ կարող են  
եւ վնասել մեզ, եւ լռեցնելու փորձեր  
կատարել:

**- Բայց մենք անկախ երկրում  
ենք ապրում, որտեղ ասում են՝ Ժո-  
ղովրդավարություն է, գոնե արվեստը  
չպիտեք է ազատ լինի՝ թատրոնն ու  
գրականությունը ներառյալ:**

- Մենք նախքան 2018-ը դեմոկրա-  
տիայից գրեթե չէինք խոսում, այդ  
մասին խոսեց Նոր իշխանությունը,  
որը երիտասարդներից էր կազմված  
եւ դեմոկրատիայի հարցում ամենա-  
շահագրգիռը պետք է լիներ: Բայց  
մենք տեսնում ենք, որ այս մարդկանց  
արարքները չեն համապատասխա-

ծեւացնում են, թե Արցախով հե-  
տաքերը վաճ չեն, իրականում՝  
նրանց հոգու խորքում այլ բան է կա-  
տարվում: Անգամ ամենամտաբեր  
մարդը հասկանում է, որ ինչ-որ  
բան այնպես չէ, եւ իշխանական հե-  
ռուստաալիքները չեն արտացոլում  
իրականությունը: Որքան շատ են  
արգելում մարդկանց խոսել Արցա-  
խի մասին, մարդկանց ներսում  
ըմբոստությունն ավելի շատ է  
արթնանում: Մարդիկ պարզ հարց են  
տալիս՝ ինչի՞նչ չի կարելի խոսել մի պե-  
տության մասին, որը գրեթե 30 տա-  
րի եղել է հայկական, էլ չենք խոսում  
անցյալի մասին, որտեղ հազարավոր  
տարիներ Արցախը եղել է հայերի: Մարդկանց անհնար է լռեցնել, մեր  
հիշողությունից մեր պատմությունը  
հնարավոր չէ հանել: Մարդիկ շատ  
են գալիս «Բլոկադա» ներկայա-  
ցումը դիտելու, հետաքրքրությունը  
մեծ է: Արցախը, բլոկադայի թեման  
մարդկանց համար անչափ կարեւոր  
են: Ես այդ ներկայացումը եւ այն  
կերպարը, որը խաղում եմ, շատ եմ

# ԻՆՉՔԱՆ ՇԱՏ ԵՆ ԱՐԳԵԼՈՒՄ ԽՈՍՆԵԼ ԱՐՑԱՒԻ ՄԱՍԻՆ, ԱՅՆՔԱՆ ԸՄԲՈՍՏՈՒԹՅՈՒՆ Ե ԱՐԹՆԱՆՈՒՄ

գրել, ովքեր լավագույնս կմարմավո-  
րեն հերոսներին... Արմենը հրավիրեց  
Նաե մեր սիրելի Սոֆյա Ղուլյանին՝  
որպես համապրոդյուսեր, ու սկսվեց  
ամեն ինչ»,- պատմեց ռեժիսոր  
Սեդրակ Գոջամանյանը: Սցենարիստ  
Անի Մաղաթյանը, որը հայտնի է հե-  
ռուստատեսային մի շարք նախագծե-  
րից, առաջին անգամ է պիես գրել  
եւ խոստովանում է, որ շատ բարդ  
ու պատասխանատու մոտեցում է  
ցուցաբերել թեմային: Չրուցել ենք  
ներկայացման գլխավոր հերոսներից  
մեկին մարմնավորած դերասանուհի  
**Մարջան Ավետիսյանի** հետ:

**- Զանի որ այսօր իշխա-  
նություններն արգելում են անգամ  
«Արցախ» բառն արտասանել,  
Արցախի մասին ներկայացում  
բեմադրելը մեծ ճոխություն է,  
կպատմե՞ք պիեսի մասին:**

րը, այլեւ՝ Յայաստանի Յանրապե-  
տության հայերը, թեպետ դիտում են,  
եւ ես նրանցից շատ եմ լսել, որ գոհ են  
պիեսից, ուրախ են, որ նման ներկա-  
յացումներ են բեմադրվում: Մարդիկ  
ասում են՝ լավ է, որ գոնե Արցախ  
անունը չենք մոռանում եւ չենք մո-  
ռանում, որ այս մարդիկ ունեն հոգա-  
տարության կարիք: Արցախցիները  
շատ դժվարությամբ, բայց մեծա-  
գույն ցանկությամբ են գալիս ներկա-  
յացումը դիտելու: Ներկայացումը  
ստեղծելու նպատակն այդ մարդկանց  
ճակատագրին անդրադառնալն է,  
որպեսզի նրանք անտարբերության  
չարժանանան...  
**- Իսկ վտանգ չէ՞ք տեսնում, որ  
մի օր էլ թատրոններին կարգելեն՝  
Արցախի մասին ներկայացումներ  
բեմադրել:**

նում իրական դեմոկրատիային: Բացի  
այդ, մենք տեսնում ենք, որ այն ամբողջ  
աշխարհում է փուչ երեւույթ, այնպես  
չէ, որ միայն Յայաստանում է այդպես:  
Դեմոկրատիայի անվան տակ ասվում  
է մի բան, արվում է լրիվ այլ բան: Մենք  
էլ, որպես պետություն, անմասն չենք  
մնում այդ ամենից: Անունը դրել են դե-  
մոկրատիա, բայց մենք տեսնում ենք,  
որ ինչ ուզում անում են:

**- Իշխանությունները փորձում  
են խմտացիա ստեղծել, որ հասա-  
րակության մեծ մասին Արցախի  
հարցը չի հետաքրքրում, ավելին՝  
հանրությունը չի սիրում Արցախն  
ու արցախցուն: «Բլոկադա» ներկա-  
յացումն ովքեր են գալիս դիտելու,  
արդյո՞ք հայ մարդուն իսկապես չի  
հետաքրքրում Արցախը:**

- Անգամ այն մարդիկ, ովքեր  
երբեմն իրենց լայն շրջապատում

սիրում: Այն դաժան ճակատագրով  
մարդկանց մասին է, ովքեր չեն  
կորցնում ապրելու ցանկությունը,  
երազելու ունակությունը: Այն  
մարդկանց մասին է, ովքեր փուչ չեն  
գալիս արհավիրքից հետո եւ հիշում  
են իրենց տունը՝ անկախ ամեն ինչից:

**- «Վերջին սպարապետը»  
ֆիլմում էլ գլխավոր դերակա-  
տարներին մեկը Դուք եք: Ի՞նչ եք  
կարծում՝ այսօր հայրենասիրական  
ֆիլմերն ի՞նչ դեր ունեն մեր իրակա-  
նության մեջ:**

- Դրանք եւս մեկ անգամ հի-  
շեցնում են մարդկանց, որ մենք կանք  
ու լինելու ենք: Նոր սերնդի համար  
Վազգեն Սարգսյանին խորությամբ  
ճանաչելը շատ կարեւոր է: Յատկա-  
պես Նոր սերունդը պետք է իմանա,  
թե ով ենք եղել մենք՝ 30 տարի շա-  
րունակ, եւ ինչ ենք վերածվել այսօր:

Յայկ  
ԳԵՎՈՐԳՅԱՆ

Ազատ խոսքի Ձեր հրապարակում կարող է  
տպագրվել Ձեր խոսքը: Գրեք մեզ, գանգեք մեզ  
011 (55,94) 52 66 70, info@hraparak.am  
Երեւան 0010, Մաշտոցի 4

ԿԱՐԴԱՑԵ ԿՅՈՐՐ  
ՀԱՄԱՐՈՒՄ

**բաժանորդագրություն**  
Բաժանորդագրության համար դիմեք՝  
Պրեսա Ստեյկ՝ 093 88 68 01  
Բլից մեդիա 52 53 01

հրապարակ

Գլխավոր խմբագիր **Արմինե Օհանյան**  
թողարկման պատասխանատու info@hraparak.am

Ստորագրված է տպագրության 17.03.2026թ., տպագրվել է  
«Գինդ» տպագրատանը: Տպաքանակը՝ 3000 օրինակ:

# ԵԹԵ 2020-ԻՆ ՊԱՐՏՎԵԼ ԵՆՔ, ՉԻ ՆՇԱՆԱԿՈՒՄ, ԹԵ ԱՌԱՋԻՆ ՊԱՏԵՐԱԳՄԸ ՍԽԱԼ Ե ԵՂԵԼ



**Ե**րբ լսում ենք քաղաքական  
հայտ ներկայացնող առանձին  
ուժերի եւ նրանց ներկայա-  
ցուցիչների փաստարկները, հասկա-  
նում ենք, որ նրանց խոսքը Յայաստա-  
նի ու հայ մարդու մասին է, իսկ երբ  
լսում ենք Յայաստանի օրվա իշխա-  
նությունների ու նրանց սատարող  
շրջանակների խոսույթն ու խոսույթի  
թեման, միանգամից հասկանում ենք,  
որ սրանց ասածն ու ուզածը ոչ թե Յա-  
յաստանին ու հայ մարդուն են վերաբե-  
րում, այլ՝ նրանց խաբեղում:

Այս իմաստով, հատկապես  
հատկանշական է արցախյան քաղա-  
քականության հետ կապված՝ օրվա  
իշխանությունների դիրքորոշումը:  
Դիրքորոշում, որը ոչ թե իրավիճակի  
հավասարակշռված գնահատում է, այլ

այս «չպատերազմը» Յայաստանի վրա  
վաճառելու մի հիվանդագին մղում:  
Իհարկե, Արցախյան առաջին պա-  
տերազմի ու դրանից հետո ընկած  
ժամանակների համար, Յայաստա-  
նի ընտրված ճանապարհն ամենա-  
ճիշտ ճանապարհը չեն համարի: Չեն  
համարի, որովհետեւ այն պատե-  
րազմը սխալ տեղում կանգնեցնող  
ճանապարհ էր, որովհետեւ այն պա-  
տերազմի աշխարհաքաղաքական  
նշանակությունը Լաչինի միջանցքի  
լայնության հետ շփոթող ճանապարհ  
էր: Սակայն, որքան որ սխալ էր պատե-  
րազմը սխալ տեղում կանգնեցնող ու  
պատերազմի աշխարհաքաղաքական  
նշանակությունը Լաչինի միջանցքի  
հետ շփոթող քաղաքականությունը,  
նույնքան էլ սխալ է Ադրբեջանի պա-

հանջով արցախյան հիմնախնդիրը  
Յայաստանի ռազմաքաղաքական  
օրակարգից դուրս դնելու համար  
Արցախյան առաջին պատերազմից  
հրաժարվելու քաղաքականությունը:  
Այս երկրի խնդիրը, այս առումով,  
միայն այն չէ, որ երկիրը պատերազմում  
պարտվել է: Այս երկրի խնդիրը նաեւ  
այն է, որ ինչպես իր ընտրած նախորդ  
իշխանությունները չէին հասկանում,  
որ Արցախի հարցը լուծողը ոչ թե մի-  
ջազգային հանրությունն է, այլ հզոր  
Յայաստանը, այնպես էլ իր ընտրած  
այսօրվա իշխանությունը չի հասկա-  
նում, որ Արցախյան այսօրվա Յայաստա-  
նի ռազմաքաղաքական օրակարգի  
մաս չդարձնելու համար ամենեւին էլ  
պարտադիր չէ, որ մենք Արցախյան  
առաջին պատերազմում տարած մեր

հարթանակից հրաժարվենք: Այն, որ  
մենք այս պատերազմում պարտվել  
ենք, դա դեռ չի նշանակում, թե  
պարտվել ենք, որովհետեւ սխալ է եղել  
առաջին պատերազմը: Ընդհատ հակա-  
ռակը՝ դա նշանակում է, որ պարտվել  
ենք, որովհետեւ առաջին պատե-  
րազմում հաղթելուց հետո սխալ ենք  
գնահատել մեր հաղթանակը, սխալ  
ենք վարվել մեր հաղթանակի հետ:  
Այս առումով, մեր երկրի խնդիրն  
այսօր ոչ թե արցախյան օրակարգն  
այսօրվա Յայաստանի ռազմաքաղա-  
քական առաջնահերթությունից դուրս  
դնելն է, արցախյան առաջին պատե-  
րազմը սխալ պատերազմ համարելը,  
այլ հաղթելուց հետո մեր թույլ տված  
սխալներն ու բացթողումները գի-  
տակցելն ու դրանք երբեք թույլ չտալը:

Գայուստ  
ՍԱՐԳՅԱՆ